

鐵嶺縣志

名宦志

職官表以清初設縣為斷清以前之佚遺者多矣政績志者必其事之信而有徵而若存若沒之間不能誌載焉名宦之心烏能已乎鐵邑遼隸咸平路金設咸平府復有新興銅山等縣隸之其管轄與今之縣界不盡符合史載咸平諸尹不盡有關於境內但與其削之何如存之或亦樂道人善也明置衛為用武之地與名宦無涉清中葉以來奉法承流即足以身名俱泰故徒列職官表不免失之刻而悉載於政績志則又失之誣執兩用中此物此志也嗚呼七世之廟可以觀德萬夫之長可以觀政世有知者會心不遠矣志名宦

金

烏哲庫

舊作吾札忽

安帝六代孫婆盧火之子善騎射大定初除咸平

尹後從征有功改為呼爾哈節度使卒烏哲庫性聰敏有才智善用軍常出敵之不意以寡敵衆所往輒克號為鷲軍云

王伯龍

瀋州雙城人遼末聚黨為盜天輔二年率衆二萬及其輜

重來歸授世襲明安知銀州兼知雙州後累立戰功五年授節度使充徐宿邳三路軍馬都統敗高托山之衆十五萬餘於清河進擊韓世忠於邳州走之渡采石擊敗岳飛部將劉立路尙等兵獲芻糧數百萬計天德三年改河中尹徙益都尹封廣平郡王卒年六十五正隆間贈宣國公

布薩歡塔

舊作僕散渾坦

扶餘路嘉們人勇健善射遷利涉軍節度使改

咸平尹世宗朝轉廣甯尹與圖克坦克甯敗幹罕于長樂改臨潢尹賊平改海蘭路兵馬都總管利涉軍節度使以金紫光祿大夫致仕歡塔沈厚有識明於聽斷所至有政聲

高松

澄州析木人弱冠從軍多力善戰從宗弼

即元

破汴京累

官咸平府總管判官世宗時充管押東京路渤海萬戶兵部尚書克實反前同知延安尹李老僧欲得松共事以言挑之曰君有功舊人至今不得大官何也松曰我一縣令每念聖恩愧無以報敢他望乎老僧遂不敢言克實事敗松從征幹罕以功遷咸平少尹官至崇義軍節度使

鐵嶺縣志

名宦志

三百二十

奉天作新印刷局排印

諾延溫都烏達

舊作溫敦

阿卜薩水人通書史工詩世宗朝授咸

平及會審尹為北邊行軍都統治尚寬簡多備禦謹斥埃邊境以安改為北京留守以廉察舉所在有能名無私過入拜參知政事

伊喇子敬

舊作鄂刺子敬本名鄂刺多羅

字同文遼五院人皇統間興修遼史除

同知遼州事舊本廳自有佔地歲入數百貫子敬曰已有公田何更取民田竟不取累遷簽書樞密院事同修國史及為興中尹女自懿州來謁遇盜剽行李且盡既而還之曰我輩初不知為府尹家也尹有德於民尚忍侵犯耶後歷咸平廣甯尹致仕卒時家無餘資

承暉

字維明淹貫經史遷東京咸平路提刑副使同知上京留

守豪猾屏息遷臨海軍節度使歷利涉遼海軍遷北京路提刑歷知咸平府臨潢府爲北京留守卒爲名臣死中都難贈尙書令廣平郡王諡忠肅

張行信 字信甫純正眞率不事修飾擢進士官銅山令明昌元年以廉擢監察御史兩登相位言無隱避及卒皆曰正人亡矣

梁持勝 費摩薩布 韓公恕 勝字經甫稽山人保大軍節度使襄之子多力善射泰和六年進士復中宏詞累官太常博士遷咸平路宣撫司經歷初宣撫使布希萬努有異志欲棄咸平持勝沮之萬努怒杖之走上京告行省太平時太平已與萬努通謀焚毀上京奪元帥承充軍持勝與提控咸平治中費摩薩布萬戶韓公

恕約殺太平復推承充行省事告發萬努事泄被害贈勝忠順大夫韓州刺史薩布鎮國上將軍顯德軍刺史恕明威將軍信州刺史

元

耶律留哥 契丹人初仕金爲北邊千戶太祖起兵朔方金人疑遼遺民有他志令遼民一戶以二女眞戶防之留哥不自安遁至隆安韓州與耶的合兵十餘萬稱王改元元統盡有遼東諸郡都咸平後與子薛闡奉金幣銀牌見帝帝大悅賜金虎符仍命爲遼王居廣寧卒年五十六妻姚里氏入奏會帝征西域承制以氏佩虎符領其衆七年

明

李承勛 湖北嘉魚人正德中以右副都御史巡撫遼東時邊備久弛開原尤甚士馬纔十二墻堡墩臺傾圮殆盡將士依城塹自守承勛疏請修築會世宗立發帑銀四十餘萬承勛命步將四人各一軍守要害身負菴鍤先士卒凡為城塹各九萬一千四百餘丈墩堡百八十有二抬運逃三千二百人開屯田千五百頃又城中固鑄嶺蒲河撫順邊防甚固又數陳軍民利病咸報可（節錄盛京通志名宦目內）宜增入

清

胡藥嬰 直隸贊皇人康熙三年初設縣治公為首任知縣時全境民戶甚鮮惟駐防旗籍莊戶千餘家公廣事招徠代籌生計始有繁盛氣象鐵嶺民籍實創於公

賈宏文 直隸延慶人康熙十四年任縣事提倡文教創修邑志士漸向學

鐵嶺縣志 名宦志

三百二十二

奉天作新印刷局排印

許志進 江蘇淮安人康熙三十五年蒞任先是郝中山先生謫鐵嶺講學於所居之銀岡書院僅設先師及四配十哲兩廡諸賢總木主於堂未及議建學宮至是始建於東南隅規模備具文教日昌

焦獻猷 陝西白河人歲貢生事見政績

宋一驥 江西南昌舉人康熙五十五年知縣事見政績

何師曾 通州人與一驥同時任儒學訓導重修書院

羅自彬 字適天京都漢軍正藍旗人康熙初任本邑正藍旗防禦事是為本邑正藍旗設禦之始其後遂留駐本城

劉世傑 字邁英京旗人康熙間任正白旗防禦蓋其時清初沿用指揮之制至是改設正白正藍二防禦其後亦留駐本城

永福 奉天旗人乾隆四十六年任路記防禦承旨因舊基重修

三寶 京旗人乾隆四十六年任縣事承旨重修城工

賽尙阿 京旗人乾隆六十年任縣事城中街舊有關帝廟於乾隆四十餘年雷火地震殿宇傾頽久不修葺乃與掌路記防禦崔守興協力提倡重修以資邑人觀感

崔守興 盛京滿洲廂白旗人乾嘉間掌路記防禦

扎郎阿 京旗人嘉慶間任縣事時學憲茹奏准頒行庫書於各學署諭州縣建閣以崇之適重修文廟公乃提倡與邑紳等鳩工建文昌閣於文廟東院並建奎星樓於東南城角上云

崇光 字耀軒京旗人道光間選任鐵嶺縣事折獄如神民無冤枉刻聯於頭門其文爲有一刻工夫且勤爾業無十分委屈莫入吾門其聯至民國改造縣署始撤去

愷榕 字樂軒京旗人咸豐三年任縣事事見政績

雙成 字子全滿洲人道咸間任路記防禦事見政績

王官彥 字賡堂咸豐十一年任督捕廳事精醫理著有王賡堂醫案

廉隅 字方之京旂人光緒元年任縣事事見政績

李應紫 字秀峰甘肅皋蘭進士光緒十四年前後兩任縣事慈惠爲師案無枉法

陳士芸 字鶴洲浙江會稽人光緒十六年任縣事事見政績

樊恭佩 字保昌江西人光緒十八年任縣事時邑人士習於時文鮮通經術公於月試導以經詁試藝由是開稽古風焉

增 蘊 字子固京旂人光緒二十年任縣事以青年初任雖老史不能欺循聲卓著嗣官至浙江巡撫

劉玉林 字崑圃直隸武清舉人同治初連任儒學多年設帳授學門多桃李與陳公提倡書院主齋課實行月試捐廉獎掖光緒間重遊泮水

鹿名世 字景充定興舉人早擢巍科青年歷儒學任主書院齋課有捐存書籍於書院見教育志

夏穆釭 字滋良光緒十八年任督捕廳事工書法得顏魯公筆意陶懋恭 字默存四川萬縣人同治癸酉科拔貢學通今古光緒己未丁酉等年兩任縣事甄別吏書力除積習蒞任往來書簾而外

別無長物餘見政績志

楊昌瀚 字海琴浙江人光緒二十五年任縣事明年六月間拳匪延及邑城公獨斥爲邪崇時匪勢盛張力不如心因去任

博清額 事見兵事志

孟憲彝 字秉初直隸人光緒二十六年夏拳匪正盛邑無軍隊僅有旂署練隊及書院兼管練隊數十名不足平亂公奉增將軍命帶兵二哨兼管帶官事來接楊任旋奉命銷平拳亂現官吉林巡按使

高暄陽 字曝菴光緒二十八年任縣事值庚子亂後盜賊不靖公持法尙嚴見忌宵小被陷失印上官鑑其素行弗深究是秋調任

並見政績志

趙臣翼 字燕蓀江蘇人旋任奉天度支司使

都林布 字雲卿京旗人

張錫鴻 字荷春山東歷城縣人

徐麟瑞 字定甫以上均見政績志

陳 藝 字漱六江蘇宜興人現任知事民國二年由奉天都督兼
民政長以慈祥愷悌輿論翕服呈請大總統獎四等嘉禾章三年
復以驗契盡職獎金鶴章餘見政績志

鐵嶺縣志

寓賢志

昔管幼安避地遼東化爭井鬪闖之風千秋想望管公屯之名猶存也鐵嶺古處邊陲未崇文教倘非名士謫居何以闢榛莽而進治化乎今試游圓通之寺碑碣歸然流風未艾若銀岡書院尤爲前後賢足跡相接地薰陶漸染繼起多人不宜然哉夫以賢者之流寓晦藏類非其生平得意事然其歷史之流傳竟視生長游宦之區且什佰過之此古君子所以篤於潛修處富貴貧賤夷狄患難無入而不自得平生大節乃有以見其真耳上自有明下逮近世稱寓賢者得數人道德文章人多稱之不可數典或忘矣志寓賢

明

陳循 字德遵永樂十三年進士第一授脩撰洪熙初進侍講宣德初直南宮正德初進經筵尋進翰林院學士九年入典機務土木之變循居中所言多採納景泰二年進少保並文淵閣大學士尋加太子太傅華蓋殿大學士仍兼文淵閣英宗復位于謙王文死杖循百戍鐵嶺時年八十餘適重修邑西北隅之圓通寺有循所撰碑記循在宣德時御史張楷獻詩忤旨陳祚上疏觸帝怒皆賴婉辭爲解曰彼亦忠愛也得釋景帝朝上勤政要典江南北大雪麥苗死請市麥種給貧民因事進言多足採至是貶皆石亨輩爲之非帝意也亨等敗釋爲民一年卒于謙事雪乃復官賜祭

沈敬 官主事英宗復位石亨等誣于謙王文以謀立外藩文辨辭氣激壯命敬按問無迹廷臣遂坐謙文謀反未定斬於市敬亦坐知謀故縱減死戍鐵嶺

閻寬 字德厚樂安人正統進士授監察御史彈劾無少避爲錦衣指揮馬順所忌以事中傷之編戍鐵嶺卒

強珍 滄州人以進士巡按遼東精敏果毅邊境大安權閹汪直黷貨妄殺珍劾之直誣珍檻車詔獄御史許進疏珍冤卒除籍戍鐵嶺直敗復官累遷南京通政

王時中 山東黃縣人正德間忤逆瑾謫戍懿路後復官累遷兵部尚書

清

季開生 江南泰興人順治初以直言謫寓鐵嶺數載卒順治庚子世祖思其言進復原官蔭一子入監讀書

郝浴 字雪海定州人順治己丑進士任四川巡按有破賊全蜀之功劾吳藩謫鐵嶺顏其室曰致知格物之堂讀書講學開啓後進注周易解士人宗之稱復陽先生居二十年及三桂果叛聖祖感其先見召還累遷廣西巡撫瀕還時留所居爲銀岡書院至今崇祀於堂以仲子林配詳見中山全集

附錄郝雪海中丞事略 郝公諱浴字冰滌號雪海直隸定州人生平負氣節棘棘不阿順治六年進士授刑部主事八年遷御史

奉命巡按四川時流賊張獻忠餘黨孫可望李定國劉文秀等降附明桂王朱由榔踞川南寇掠九年平西王吳三桂與都統李國翰分兵復成都嘉定敘州重慶駐師綿州公在保寧監臨鄉試可望文秀等合衆數萬薄城公遣使告急綿州逾月三桂乃發援兵危城得全公因陳善後策略言大兵勦賊借陝西運餉道遠餉繁宜移陝西駐防屯田成都並招流民開墾借給土司牛種屯耕一年可抵輸運三年之利又言賊寇善騰山越嶺蜀中土官土兵習尙相近宜簡精銳爲前茅以滿洲驍騎繼其後疾雷迅霆之下寇必鳥獸散上嘉其奏可採下部議部臣以戰守機宜應由三桂酌籌寢其議公又言土賊投誠給劄授官恣行劫掠爲民害請嗣後

願歸伍者聽其願爲民者卽令有司造冊編丁以資生聚又請免牛租除雜派惟就熟地開征俾民賦有定額疏皆下部議行又劾奏永寧總兵柏永福臨陣畏縮廣元副將胡一鵬驕悍不法狀並奪職逮訊方保寧之奏捷也詔頒賞將士三桂因以冠服與公公不受疏言翦平賊寇平西王責耳臣司風憲不預軍事而以臣預賞非黨臣則忌臣也因疏劾三桂擁兵觀望狀上命三桂以賞物別賞有功將士大學士成公克鞏呂公宮等疏奏公固守保寧出入營伍奮不顧身卒轉敗爲功宜擢用三桂因摘公保寧捷疏中有親冒矢石語劾公欺罔冒功吏議革職逮訊尋論死命免死流徙奉天之尙陽堡當是時三桂開邸瀆黔海內財賦輦輸軍者歲

亡慮數百萬計守令得自辟署珍貝犀象明珠南金之寶悉歸私室羣失職之士及無賴多歸之疆吏攫其鋒者禍立至公以一御史首發其奸直聲震天下康熙十年駕幸奉天公迎謁道左上親垂問焉十二年三桂反明年尙書王公熙劉公沛先後交章薦公爲部議所格十四年魏公象樞兩疏薦公才學識兼優不宜終棄且曰臣自愧不如願以職讓遂得旨召用復原官時陝西提督王輔臣叛應三桂公疏言大兵進勦平涼宜於西安潼關用重兵屯駐以待策應調鄖陽兵攻興安調河南兵入武關直取漢中則逆賊計日可擒疏下統兵大臣相機施行又言民間納糧多額外征求致正額反缺至招買軍需名爲市易實在攤派里民比及發價

官役互相侵扣又於解餉時多索收餉之費任意遲延請敕督撫嚴察又言京通各倉積貯已多請留山東河南額征耗米折銀濟軍需疏並如所請十六年巡視兩淮鹽課明年兩遷至左副都御史十九年部更新例凡死罪減等及軍流人犯俱發黑龍江公以天旱民飢恐遣犯道斃者多疏陳新例未便下所司議惟賊吏照新例行餘仍舊又疏言出身非正途者雖經保薦不得選科道又言部院長官歲終宜舉劾屬吏賢否各一人以示懲勸均從之尋命巡撫廣西賜御廐良馬一疏言粵西錢糧改折乃一時權宜計今軍餉旣停請仍舊又請御書清慎勤字額頒發各疆吏俾官民咸得瞻仰得旨俞行又言粵西外控土司內制猺獞撫標兵不宜

裁減部議許留其半又爲故死事撫臣馬公雄鎮傅公宏烈請祠爲故知府劉浩知縣周岱生請卹又請復賑濟貧生銀米均從之二十二年卒於位年六十一士民奔走巷哭凡三日喪歸燕香送者數千里不絕語及公皆霑涕云初傅公宏烈以軍需移取庫金七萬有奇米七千餘石公蒞任擬以庫項扣抵及卒護印者劾公侵欺詔遣部郎察審坐侵銀九萬有奇吏議奪職追補特旨以公清廉免追用示優卹廉吏至意二十五年子林爲父訟冤請還職部議不可特旨許追復林旋請卹賜祭葬如例林以進士累官禮部左侍郎加尙書銜致仕烏虜聖祖之於公旣簡諸生前又卹諸身後曰廉曰潔褒許再四儼然家人父子其知公深矣然三桂兇

燄方張以一書生不揣而與之抗微世祖保全則公之元已喪而骨已朽矣迺謫公於遠示薄譴以稍殺三桂之怒而緩其反留公以爲異日股肱之用其恩誼爲何如哉同時以御史劾三桂得罪後且大用者爲楊公素蘊與公齊名

剩人 名函可字祖心有明韓尙書文恪公之子幼從門下名士論交性近禪宗崇禎十二年時年十九得印洞宗正法以出世自號剩人順治丙戌坐文字獄爲瀋陽之役戊子奉旨焚修慈恩寺凡七作道場采珠投針之徒多得大悟嘗結廬於邑之龍首山郝中山先生與之最契歲戊戌三十九齡僧臘二十圓寂於遼陽千山龍泉寺

趙維城 字子藩海城漢軍舉人品學素優光緒十四年由籍隨軍
機章京丁鶴年仙圃蒞任杭州參與政要一時名士同游多得古
文家法廿年避地本邑邑中士紳聘任銀岡書院山長教授有方
嗣於二十二年任吉林靖邊前路前營營官既歸仍任本邑書院
主講二十八年由舉人揀選任湖南永興縣令遷常寧卓著政聲
紳民稱之當時有棠蔭錄以誌盛德

附錄湖南常寧縣棠蔭錄序 自趙宋以來迄國朝嘉慶間任常
寧縣事得五趙憲一爵昭武侯閑一忠未詳科第一建水舉人勸
一易州進士亨鈴四公均入循良一分宜歲貢泮亦雍雍儒者不
愧學道愛人之君子厥後光緒庚子則有前憲柳溪先生廣西已

卯經魁連成進士邑人爲立去思碑德政碑及我公祖子藩合前
後七趙皆科第中人皆爲賢侯於戲難哉然公祖更有難於前憲
者下車伊始輒遭水災旋而阻飢旋而大旱公祖迺朝夕勤民席
不暇暖捐廉以惜民命全活無數月獎兩堂學生推廣鄉學煞費
苦心士民戴德將古所謂循良者非是之謂而誰謂歟太史公傳
循吏自春秋盡周末幾數百年爲之傳者四五人而已何其難也
蓋有其人而事不傳者多與抑其事其人或太史僚友縉紳先生
以逮士民卒隸莫不以爲循良而都人士不見於詩歌文字則亦
汶汶焉與茲當公祖陞遷送行詩累百盈千美不勝收然有詩歌
而無文字則亦是編之缺點因不計工拙爰作贈序以志去思之

不忘云爾光緒三十三年丁未季春上浣之吉試用訓導廩貢生
谷鄭謹撰

徐方來 字松巖原籍山東萊州同治初以歲貢生移籍金州同治
季就聘我邑一時士之遊其門者甚盛設帳三年歲癸酉以就公
車赴北闈辭館後竟遽返道山從游者至今猶耿耿焉

王相庸 字蕉園咸豐同治間人原籍山東游學邑內設帳授徒工
詩嘗與魏燮均張簡諸人相唱和家族在籍盡罹捻亂而亡貧無
所依益以誘掖後生爲己任卒於館諸友人及弟子等同理喪事
葬之龍首山西

穆心一 字松甫原籍山東移居瀋陽界鐵器營子村平生設帳授

徒多在本境內爲文援筆立成從學者掇洋芹如拾艾對於生徒
尤具熱心故人樂稱之

鐵嶺縣志

鄉宦志

夫士君子砥行礪名不以窮達而或異卽吾人之稱揚前烈亦不以位高多金引爲閭里榮也昔趙歧炊餅梁鴻賃舂梅福爲吳市門卒朱邑乃桐鄉裔夫何曾貶損清德哉然而有德無位聖人傷之太史公曰順風而呼聲非加疾其勢激也所言深可味矣鐵嶺鄉宦凡金元時代皆援本舊史姑存其人有明之季李成梁兄弟父子彪炳人寰焉日本豐臣秀吉與帖木兒成吉思汗同稱亞洲三傑而李如松與戰朝鮮世界知之此皆慨慕不置者如松別詳志節清初金高諸族後先繼起攀龍附鳳運會使然郎氏聯姻帝室功不逮德若年氏則爲一代奇才或謂舊居境內惜遭韓彭之誅夷事散佚無可考載筆者憾

焉自乾嘉以降俗尚詩書巍科顯宦由之而起但武功因而不競矣其出爲循吏政績在民則往往有之彙而錄焉是在能鑒別者志鄉宦

伊喇道

本名趙三

其先伊室部人初徙咸平爲人寬厚有志節以篤孝

著名海陵伐宋爲都督府長史海陵死師還掠淮南百姓苦之有男女二百餘人自願與道爲奴道攜至淮俟諸軍畢濟乃悉遣還布薩忠義討幹罕道參謀幕府所分俘獲生口悉縱遣之歷遷戶部尚書西北路招討使諸路依故事皆獻馳馬多至數百道並卻之數月皆復貢職進尚書右丞乞致仕不允尋拜平章政事二十三年罷爲咸平尹封莘國公世宗曰卿數年嘗乞致仕朕未許卿今老矣咸平卿故鄉地涼事少老者所宜又傳諭曰咸平自幹罕

亂後民業未復聽卿歸里所以安輯一境也明年卒上聞悼惜良久是歲幸上京路過咸平遣使致祭賜賻有加擢其子光祖爲閤門祇候

瓜爾佳衡 原名阿爾布色咸平人大定十三年創設女直進士衡

舉第四人補東平府教授明昌二年拜叅知政事四年詔諭之曰卿忠實公方審其事則執而不回見其非則去而能果度其事勢有若權衡可賜名衡胥持國言區種法衡曰若苟有利古已行之且用功多而所種少恐後荒廢土田無益勞民也承安二年書爲上京留守規畫北邊修完封界四年就拜平章政事封英國公諡

貞獻

阿爾布色蒙古語阿爾花紋也原作阿里布山今譯改

蒙古綱

本名呼爾根

咸平府明安人承安五年進士貞祐初自請招集

鐵嶺縣志

鄉宦志

三百二十四

奉天作新印刷局排印

西山兵民招捕有功遷太子左諭德興定元年徙知東平府事拜右副元帥權參知政事行尙書省三年遣行樞密院事王庭玉討擒張林詔以綱與庭玉保全東平各遷一階元光二年以邳州經畧司隸綱綱御下嚴信賞必罰邳州不樂屬綱且謀叛納合六哥等遂殺綱於行省

盧克忠 貴德州鳳集人高永昌據遼陽克忠走詣金源郡王幹魯營降幹魯克東京永昌走長松島克忠追獲之收國二年授世襲穆昆時管三百戶其後定燕伐宋皆與有功除登州刺史改瀋州天德間同知保大軍節度使路釋冤獄大定二年除北京副留守轉陳州防禦使以靜難軍節度使致仕

劉瑋

字德玉咸平人幼警悟業進士舉熙宗特賜及第轉尙書

省都事幸臣奏擬堙經畫軍民田土世宗見其名曰劉瑋尙淹此乎遷戶部員外郎改同知宣徽院事充使宋國信副使父兄皆以是官使江左當時榮之明年擢戶部尙書時河決於衛自衛抵清滄皆被其害詔兼工部尙書往塞之瑋齋戒禱於河功役齊舉河乃復故明昌三年拜尙書右丞卒諡安敏

珠勒根穆都哩

舊作阿勒根沒都魯

上京納琳河人後徙咸平路梅赫河雄

偉勇毅金初伐遼穆都哩領穆昆明安

官名

每遇敵往來馳突人

莫敢當故所戰皆克累功授世襲本路音打渾河穆昆音爲肇州防禦使扶餘路節度使累官金吾衛上將軍

明

李成梁

鐵嶺人字汝器由生員襲指揮僉事隆慶丁卯陞副總兵

鐵

嶺

縣

志

鄉宦志

三百二十五

本入作新印刷局排印

協守遼陽萬曆甲戌晉左都督鎮遼總兵次年封寧遠伯子襲蔭前後鎮遼二十八載蒞任最久著在國史加太傅累疏乞休卒年九十三賜祭葬

節錄明史列傳李成梁字汝契高祖英自朝鮮內附授世襲鐵嶺衛指揮僉事遂家焉成梁英毅驍健有大將才家貧不能襲職年四十猶爲諸生巡按御史器之資入京乃得襲積功爲遼東險山參將隆慶元年土蠻大入永平成梁赴援有功進副總兵仍守險山尋協守遼陽三年四月張擺失等屯塞下成梁迎擊斬之殲其卒百六十有奇餘衆遠徙遂空其地錄功進秩一等四年九月幸愛大入遼東總兵官王治道戰死擢成梁署都督僉事代之當是時俺答雖款塞而插漢部長土蠻與從父黑石炭弟委正大委正從

弟煖寇拱冠子卜言台周從子黃台吉勢方強泰甯部長速把亥炒花朶顏部長董狐狸長昂佐之東則王杲王兀堂清佳努之屬亦時窺塞下十年之間殷尙質楊照王治道三大將皆戰死成梁乃大修戎備甄拔將校收召四方健兒給以厚餼用爲選鋒軍聲始振明年五月敵犯盤山驛指揮蘇成助擊走之無何土蠻大入成梁遇於卓山摩副將趙完等夾擊斷其首尾乘勝抵巢馘部長二人斬首五百八十餘級進署都督同知世蔭千戶又明年十月土蠻六百騎營舊遼陽北河去邊二百餘里俟衆集大舉成梁擊走之萬曆元年又擊走之前屯已又破走之鐵嶺鎮西諸堡增秩二等朶顏兀魯思罕以四千騎毀牆入成梁禦郤之建州都指揮

王杲故與撫順通馬市及是誘殺備禦裴承祖成梁謀討之明年十月杲復大舉入成梁檄副將楊騰游擊王惟屏分屯要害而令參將曹簠挑戰諸軍四起敵大奔盡聚杲寨寨地高杲深溝堅壘以自固成梁用火器攻之破數柵矢石雨下把總于志文秦得倚先登諸將繼之杲走高臺射殺志文會大風起縱火焚之斬馘千一百餘級毀其營壘而還進左都督世蔭都指揮同知杲大創不能軍走匿阿哈納寨曹簠勒精騎往杲走南關都督王台執以獻斬之三年春土蠻犯長勇堡擊敗之其冬炒花大會黑石炭黃台吉卜言台周以兒鄧煖寇拱冠堵刺兒等二萬餘騎從平虜堡南掠副將曹簠馳擊遂轉掠瀋陽見城外列營乃據西北高墩成梁

邀戰發火器敵大潰棄輜重走追至河溝乘勝渡河擊斬以千計
加太子太保世廕錦衣千戶明年黑石炭大委正營大清堡邊外
謀錦義成梁率選鋒馳三百里逼其營攻破之殺部長四人獲級
六十有奇五月土蠻復入聯營河東而遣零騎西掠成梁掩其巢
得利而還明年正月速把亥糾土蠻大入營劈山成梁馳至丁字
泊敵方分騎繞牆入成梁夜出塞二百里搗破劈山營獲級四百
三十馘其長五人加太保世廕本衛指揮使三月游擊陶承鑾擊
敵長定堡馘馘四百七十有奇帝已告謝郊廟大行賞賚廕成梁
世指揮僉事有言所殺乃土蠻部曲因盜牛羊事覺懼罪來歸承
鑾掩殺之給事中光懋因請治承鑾殺降罪御史勘如懋言兵部

尙書方逢時督撫梁夢龍周詠先與承鑾同叙功力爲解卒如御
史奏盡奪諸臣恩命六月敵犯鎮靜堡復擊退之十二月速把亥
炒花煖兔拱兔會土蠻黃台吉大小委正卜兒亥慌忽太等三萬
餘騎壁遼河攻東昌堡深入至耀州成梁遣諸將分屯要害以遏
之而親提銳卒出塞二百餘里直搗圓山斬首八百四十及其長
九人獲馬千二百匹敵聞之倉皇走出塞論功封寧遠伯歲祿八
百石是時土蠻數求貢市關吏不許大恨七年十月復以四萬騎
自前屯錦川營深入成梁命諸將堅壁自督參將楊粟等遏其衝
會戚繼光亦來援敵遂退俄又與速把亥合壁紅土城聲言入海
州而分兵入錦義成梁踰塞二百餘里直抵紅土城擊敗之獲首

功四百七十有奇迺東都督王兀堂故通市寬奠後參將徐國輔弟國臣強抑市價兀堂乃與趙鎖羅骨數遣零騎侵邊明年三月以六百騎犯靈陽及黃岡嶺指揮王宗義戰死復以千餘騎從永奠入成梁擊走之追出塞二百里敵以騎卒拒而步卒登山鼓譟成梁大敗之斬首七百五十盡毀其營壘捷聞并錄紅土城功予成梁世襲其秋兀堂復犯寬奠副將姚大節擊破之兀堂由是不振土蠻數侵邊不得志忿甚益徵諸部兵分犯錦義及右屯大凌河以城堡堅不可克而成梁及薊鎮兵亦集乃引去無何復以二萬餘騎從大鎮堡入攻錦州參將熊朝臣固守而遣部將周之望王應榮出戰頗有斬獲矢盡皆戰死敵乃分掠小凌河松山杏山

成梁馳援始出境九年正月土蠻復與黑石炭大小委正卜言台周腦毛大黃台吉以兒鄧煖兔拱兔炒戶兒聚兵塞下謀入廣甯成梁帥輕騎從大甯堡出去塞四百餘里至襖郎兔大戰自辰訖未敵不支敗走官軍將還敵來追成梁逆擊且戰且行先後斬首三百四十及其長八人錄功增歲祿百石世廕一等四月黑石炭以兒鄧小歹青卜言兔入遼陽副將曹篋追至長安堡遇伏失千總陳鵬以下三百十七人馬死者四百六十四遂大掠人畜而去篋等下吏成梁不問十月土蠻復連速把亥等十餘萬騎攻圍廣甯不克轉掠團山堡盤山驛攻義州成梁禦卻之十年三月速把亥率弟炒花子卜言兔入犯義州成梁禦之鎮夷堡設伏待之速

把亥入參將李平胡射中其肩墜馬蒼頭李有名前斬之寇大奔
追馘百餘級炒花等慟哭去速把亥爲遼左患二十年至是死帝
大喜詔賜甲第京師世廕錦衣指揮使初王杲死其子阿台走依
王台長子虎兒罕以王台獻其父嘗欲報之王台死虎兒罕勢衰
阿台遂附北關合攻虎兒罕又數犯孤山汎河成梁出塞遇於曹
子谷斬首一千有奇獲馬五百阿台復糾阿海連兵入抵瀋陽城
南渾河大掠去成梁從撫順出塞百餘里火攻古勒塞射死阿台
連破阿海寨擊殺之馘馘二千三百杲部遂滅錄功增歲祿百石
世廕指揮僉事北關清佳砮楊吉砮素讐南關王台沒屢侵台季
子猛骨孛羅且藉土蠻煖兔慌忽太兵侵邊境其年十二月巡撫

李松使備禦霍九臯許之貢市清佳砮楊吉砮率二千餘騎詣鎮
北關謁松九臯見其兵盛譙讓之則以三百騎入松先伏甲於旁
約二人不受撫則礮舉甲起頃之二人抵關據鞍不遜松叱之九
臯麾使下其徒遽拔刀擊九臯并殺侍卒十餘人於是軍中礮鳴
伏盡起擊斬二人并其從騎與清佳砮子兀孫孛羅楊吉砮子哈
兒哈麻盡殲焉成梁聞礮急出塞擊其留騎斬首千五百有奇餘
衆刑白馬攢刀誓永受約束乃旋師錄功增歲祿二百石改前廕
指揮僉事爲錦衣衛指揮使方成梁之出塞也炒花等以數萬騎
入蒲河及大寧堡將士防禦六日始出塞十三年二月把免兒欲
報父速把亥之怨偕從父炒花姑婿花大糾西部以兒鄧等以數

萬騎入掠瀋陽卽退駐牧遼河聲犯開原鐵嶺成梁與巡撫李松潛爲浮橋濟師踰塞百五十里疾掩其帳寇已先覺整衆逆戰成梁爲疊陣親督前陣擊賊而松以後陣繼之斬首八百有奇捷聞增歲祿百石改廕錦衣指揮使其年五月敵犯瀋陽伏精騎塞下誘官軍游擊韓元功追襲之敗死閏九月諸部長復犯蒲河殺裨將數人大剽掠而西部銀燈亦窺遼瀋成梁令部將李平胡出塞三百五十里搗破銀燈營斬首一百八級諸部長聞之始引去十四年二月土蠻部長一克灰正糾把兔兒炒花花大等三萬騎約土蠻諸子共馳遼陽挾賞成梁偵得之率副將楊燮參將李寧李興孫守廉以輕騎出鎮邊堡晝伏夜行二百餘里至可可母林大

風雷敵不覺旣至風日晴朗敵大驚發矢如雨將士冒死陷陣獲首功九百斬其長二十四人其年十月敵七八萬騎犯鎮夷諸堡閱五日始去十五年春東西部連營入犯其秋八月復以七八萬騎犯鎮夷堡十月把漢大成糾土蠻十萬騎由鎮夷大清二堡入數日始出北關旣被創後清佳砮子卜寨與楊吉砮子那林孛羅漸強盛數與南關虎兒孛子歹商構兵成梁以南關勢弱謀討北關以輔之明年五月率師直搗其巢卜寨走與那林孛羅合憑城守城四重攻之不下用巨礮擊之碎其外郭遂拔二城斬馘五百餘級卜寨等請降設誓不復叛乃班師十九年十一月帝從御史張鶴鳴言解成梁任以寧遠伯奉朝請成梁鎮遼二十二年先

後奏大捷者十帝輒祭告郊廟受廷臣賀蟒衣金繒歲賜稠疊邊帥武功之盛二百年來未有也二十九年八月馬林獲罪大學士沈一貫言成梁雖老尙堪將兵乃命再鎮遼東年已七十有六矣是時土蠻長昂及把兔兒已死寇鈔漸稀成梁復鎮八年遼左少事以閱視叙勞加至太傅卒年九十弟成材參將子如松如栢如楨如樟如梅皆總兵官如梓如梧如桎如楠亦皆至參將

李成材 成梁弟官參將尙義樂施見於圓通寺舊碣

李如梅 字子清由廕歷都指揮僉事從兄如松征日本卻敵先登有功

節錄明史列傳如梅字子清由父廕歷都指揮僉事從兄如松征

日本卻敵先登屢遷遼東副總兵二十四年炒花卜言兔將入犯如梅謀先襲之督部將方時新等出塞三百里直搗其廬帳斬首百餘級而還明年如梅與參政楊鎬謀復從鎮西堡出塞潛襲敵營失利損部將十人士卒百六十人如梅以血戰重創兔罪日本封事敗其年八月進署都督僉事充禦倭副總兵赴朝鮮援勦時麻貴三路進師令如梅爲左軍與右軍共攻蔚山如梅偕參將楊登山騎兵先進設伏海濱而令游擊擺賽以輕騎誘賊斬首四百有奇餘賊遁歸島山副將陳寅冒矢石奮呼上破柵兩重至第三柵垂拔楊鎬爲總理宿與如梅暱不欲寅功出其上遽鳴金收軍朔日如梅至攻之不能拔已而賊援至如梅軍先奔諸軍亦相繼

潰贊畫主事丁應泰劾鎬并劾如梅會其兄如松戰歿卽命如梅馳代之踰年坐擁兵畏敵劾罷成梁諸子如松最卑敢有父風其次稱如梅然躁動非大將才獨楊鎬深信後復倚任其兄如栢卒以致敗

高 榮 明東甯衛世襲指揮使

高承恩 明東甯衛世襲指揮使

高三輔 明懷遠將軍

高崇政 明東甯衛指揮使

高三洲 明懷遠將軍

高雲鳳 明世襲指揮使

鐵嶺縣志

鄉宦志

三百四十二

奉天作新印刷局排印

高成龍 明懷遠將軍

高成美 明通誼大夫淮揚道副使

清

金朝興 世襲明代指揮僉事朝興歸清以開國勛臣封宣寧侯加封沂國公子世珍襲僉事

金維城 玉和子也玉和見忠節志維城初由侍衛授參領崇德元年清圍錦州維城奉命同副都統金礪督運軍糧任兵部理事官擢副都統五年隨鄭親王再圍錦州先後攻克其臺十有八屢敗松山杏山敵衆以功予雲騎尉世職順治元年清定燕京任兵部侍郎五年隨鄭親王定湖廣凱旋獲優賚晉世職一等輕車都尉

十五年卒

金維垣 玉和子維城之弟襲一等男兼副都統

金維藩 仕至直隸保定府知府

金世德 維城長子也字孟求一字衍慶隸漢軍正黃旗淹貫經史
習滿文順治初以蔭補內翰林院編修凡有大撰著恒午夜馳
召之康熙丙午招撫閩海有功累遷副都御史出撫畿輔境內漳
水滹沱桑乾諸河沒民田計八萬餘畝久苦征輸世德請豁免再
三遂蒙捐除甲寅以後兵需浩繁世德單騎行營中躬給芻糧兵
無橫索市肆晏然己未庚申旱饑請截漕蠲賑四十餘邑賴以全
活每見屬官必令盡所欲言喜讀循吏傳清白自矢人莫敢干以

私卒諡清惠

金世師 維城次子保定府巡撫餘未詳

金世榮 維城三子性忱毅寡言持己廉介從世機敏以蔭生襲世
爵歷任江南狼山及福建漳浦南總鎮寧波松江提督福建將軍
浙閩總制蒞十餘年凡八任內補兵部尚書

金世需 維城四子也仕至狼山總兵

金世鑑 字萬涵維城第五子少秉粹資卓犖不羣好讀書尤精於
天官家言其祖父俱有勳烈予世職世鑑以蔭入仕歷官有聲凡
八遷而至工部侍郎及望誤左官又四遷而爲奉天京兆尹逾年
以疾卒於任時年四十有三比卒家無餘儲遼之士民奔走號泣

如喪私親所在醮錢設像爭爲祠以祀之其德之感人如此

金世鳴 維城六子也仕至四川劍州知州

金世揚 貴州巡撫湖北等處提督都察院右都御史

金世忠 仕至副都統餘未詳

金世鐸 以佐領升任天津鹽道

金世宏 仕至總兵餘未詳

王國棟 邑之漢軍鑲紅旗人順治七年知山西沁州時叛鍾姜瓖

亂後州境荒蕪國棟勘得無主荒地及沒水地若干請題免逋賦七千餘兩而荒地以次開闢賦仍無缺公私便之仍隨事講求以利民爲急務招徠安集民困始蘇卒祀名宦

熊維傑 邑之漢軍鑲紅旗人順治八年爲浙江按察使性峭直不

苟言笑然善於撫民其爲政簡而周剛而不刻時滿洲兵初移駐或有不遵約束出擾民者有司不敢問維傑出有來訴者必立馬更爲之申理兵不敢復擾民望見其前塵輒相慶賀

陳素抱 邑人順治二年知山西猗氏縣邑人陳蠻子脅衆爲亂素抱曰賊愚而詐人必不附已而果爲鄉勇所殺五年逆鍾姜瓖之亂大軍外路進勦素抱已備兵潼關伺帥府渡河力陳猗氏民必不應賊請以其子佩從令先馳至縣召士民出迎帥府慰勞大軍遂不入境猗氏民感其德

胡有德 邑人知陝之華州慈惠明決順治十一年夏大旱具文城

隍深自刻責須臾風雨驟至秋禾有成人咸謂其精誠所感召嘗
憫所屬寒峻歲給穀至數百石俾資膏火一時人士咸愛戴之

郎廷佐 邑之漢軍旗人先世隨明軍與清決戰死綏廷佐入清充
武職定鼎後順治十一年任江西巡撫十三年授總督十五年明
魯王監國遣張煌言與唐王舊臣鄭成功合軍進攻江寧旋敗煌
言由安徽越嶺還海上未幾成功病卒於台灣公移書煌言勸其
納降辭旨溫厚煌言復書曰某復書於皇明遼陽世胄郎使君執
事夫揣摩利鈍指畫興衰庸夫聽之或爲變色而忠貞之士則不
然其所持者天經地義所圖者國恤家仇所期望者豪傑事功聖
賢學問以故氈雪自甘膽薪彌厲而卒以成功古今何可勝計如

僕者將略原非所長祇以讀書知大義痛忿胡氛左袒一呼甲楯
山立區區此志以濟則賴君之靈不濟則全臣之節是以不惜憑
履風濤之中縱橫鋒鏑之下迄今逾一紀矣同仇益廣晚節愈堅
練兵釋宇正爲乘時今何時乎兩粵天聲三楚露布以及八閩軍
書何啻雷霆飛翰况島夷外訌西戎內侵清人左支右吾其消滅
可計日待矣僕方當起而匡扶帝室克復神州此正忠臣義士得
志之秋也卽或不然而謝良平竹帛抗黃綺衣冠亦之死靡佗豈
復煩辭曲說足以動其心哉乃執事儼然以書進是以僕爲庸庸
者流可以利鈍興衰動者譬之虎偃戒途雁奴伺夜旣受其役竟
忘其哀在執事固無足怪而僕聞之髮且衝冠矣雖然執事固我

朝勛舊之裔而遼左死事之孤也念祖宗之厚澤宜如何悲傷痛
父母之深仇宜如何報雪稍一轉關不失爲中興人物顧以陵律
自居華夷莫辨甚爲執事不取也姑以執事恩仇之說言之自遼
事起而征調始繁催科益急潰卒散而爲盜賊窮民聚而弄干戈
是釀成寇禍者清人也及京華失守屬國興師誠能挈故物而還
之天朝將吐蕃回紇不足稱美于前乃拒虎進狼旣收漁人之利
於河北復肆蠶蠹之毒于江南則清人果恩乎仇乎執事亦可憬
然自悟矣以來函溫潤諒執事非憤憤者聊附數行以復若斬使
焚書適足以見不廣僕亦不爲也此復公得書嘆息置之嗣移駐
江寧有惠政民愛戴之稱爲郎佛姑蘇抗糧案發其事激於縣令

任維初巡撫朱國治嘗索賄于任令庇護之世祖崩哭廟時諸生
上書揭告撫臣遂誣以謀反嚴比倪用賓等波及教授程翼蒼公
素識程曲釋之撫臣羅織不已丁子偉金聖嘆等尤爲指名公出
示云任令一案葛藤未已以後不得再有攀招時朝命滿大臣尼
馬二人會審公恐奸人構陷士類地方愈益糜爛屢排解之立秋
日值公出送蘇使撫臣擅行處決多人公歸以罪關欽犯無可如
何然始終以矜恤爲心蘇人諒之

李率泰 字壽疇一字叔達漢軍正藍旗人父永芳明撫順游擊歸
清官至總兵率泰其次子也年十二歲入侍禁廷崇德八年以下
明山東擢副都統順治元年授刑部叅政四月隨睿親王入山海

關破李自成尋平定山東河南三年定福建叙功授世職爲二等輕車都尉八年調吏部侍郎授宏文院大學士十年授兩廣總督旋調浙閩總督擒敵招降蒙聖祖優獎康熙五年卒於官予祭葬諡忠襄

李巴顏 永芳第五子襲父三等子爵任叅領從征科爾沁有功順治元年晉二等子從定西大將軍和洛輝勦四川流寇敗一隻虎於商州時賊兵二萬巴顏與何洛輝督戰斬馘萬餘賊平叙功晉一等子姜瓖叛大同隨睿親王英親王討平之以功晉一等伯

高其位 字宜之一字韞園由父天爵難蔭承襲二等輕車都尉康熙十三年從承順郡王勒爾錦出師襄陽討吳三桂會總兵楊來

嘉叛命其位率二十騎覘虛實猝遇賊衆二萬人於土地嶺其位出不意衝突之賊驚潰且斫且馳至南漳入城守禦衣上血模糊刀刃盡缺叛賊譚洪率舟師二萬向鄖陽其位以百人扼楊溪舖賊蠱至其位踞崖射賊矢無虛發相持七十日糧盡煮馬匹以食誓必死會副都統李林隆擊破賊乃全師歸由是每戰先登先後給功牌十二薦擢襄陽總兵進湖廣提督累官兩江總督太子少傅文淵閣大學士兼禮部尙書卒諡文恪入祀賢良祠

高其佩 字韋之亦天爵子以父蔭授宿州知州內遷工部員外郎出爲溫處道坐署運使虧鹽課奪官尋開復補四川永寧道就遷按察使內遷光祿卿擢刑部侍郎晉都統仍兼刑部侍郎雍正三

年夏命同侍郎史貽直往四川審理年羹堯誣罰茶商私佔鹽窩各款又陝西郃陽縣因私鹽致死無辜八百餘人事皆得寔五年坐讞獄失入奪侍郎仍留都統任尋罷其佩天姿超逸工詩兼善指頭畫海內珍之

高蔭爵 字澹菴由廕生歷任四川松茂道按察司僉事康熙四十五年疏濬都江堰水利轉運黃勝關糧儲布按兩司事綏懷有術訟獄無冤民兵交感後轉直隸口北道

高其倬 字章之號芙沼又號種筠蔭爵子康熙甲戌進士改庶吉士散館授編修累官至戶部尙書其爲廣西巡撫陞總督時奏革土司承襲各衙門陋規得旨嘉獎調浙閩總督奏請開洋便民詔

下王大臣議行時李衛總督浙江命其倬專管福建遂條陳福建鹽政事宜陛見御製詩賜之有操凜冰霜功帶礪匡時重鎮眷良臣之句晉太子太保先是帝以其倬曉堪輿術命詣福陵恭視形勢其倬奏言水法順通合局稱旨旋調江西總督復命來京相度萬年吉地於易州特晉三等男諭曰高其倬歷任封疆其樹績建勳揚名垂譽者不可悉數原不以此爲宣力見長之地乃能悉心籌度務期萬全無一毫瞻顧推諉寔出於忠愛至誠之悃不僅才識超羣已也乾隆元年以疾召還京擢工部尙書十月卒子寶應以舟次遺疏入諭曰高其倬練達老成宣力年久今聞溘逝深爲悼惜賜祭葬諡文良所著有味和堂詩集行世蓋其倬卒後其子

恪等爲之校刻孫嘉淦沈德潛蔡珽皆有序袁枚隨園詩話云文良公詩爲勳業所掩不知一代作乎直駕新城而上

高書勳 字芸功號繼亭其倬第四子也舉乾隆戊午舉人著有石堂詩鈔

高五雲 文林郎知縣事

李蔭祖 字繩武榮祖從父弟也榮祖事詳孝義順治間由國學生授民部郎中累官大司馬總制畿輔及青豫二省真定山西久爲寇據蔭祖諭井陘道副使陳安國入賊巢撫之賊渠高三出涕泣就撫卒爲勇將十三年晉太保總督全楚值進兵滇黔蔭祖區畫有方兵民便之在任四年以疾告歸卒賜祭葬崇祀直隸山東河

南湖廣名宦

李率祖 字克承號素園順治間承兄蔭祖廕隨經略洪承疇軍前効力授曲靖府知府爲揭報吳三桂逼勒藩標兵丁一案降二級康熙甲寅三桂果叛奉特旨召慰帶領旂員七十二名前往湖廣征勦至沙湖攻賊擒獲僞官四十餘員叙功仍復原官後因病乞休年七十八卒崇祀曲靖府名宦祠

李 鈺 字長源康熙丙午補授佐領陞兵部員外郎甲子擢監察御史戊辰特簡湖北按察使旋陞福建布政司乙亥陞大理寺卿又遷兵部右侍郎丙子帝統師北徵噶爾丹鈺同御史于成龍督運中路軍糧出古北口至奎素沙深陷轂令士卒伐柳枝橫籍沙

面車得進至克魯倫河復命轉餉西路迨凱旋戊寅授山東巡撫以病乞休旋奉特旨起用仍以兵部右侍郎兼都察院右副都御史巡撫安徽己卯科文闈監臨庚辰以病致仕癸未山東大饑餉罄貲貸帑赴告新泰縣賑濟四月卒於羊流店之旅舍年五十六欽賜祭葬東省士民建祠于羊流店春秋祭享崇祀江北山東名宦祠

李 欽 字式唐號陶菴由鴻臚寺典簿出授桂東縣知縣有惠政士民感之卒年三十崇祀桂東名宦祠

李 錦 字繡章號心菴由監生歷任山西平陽四川巴縣江南甯國等縣以丁憂回籍嗣奉上諭直省督撫保舉操守清廉愛民能

事之員以聞兩江總制范承勳安徽撫軍佟國柱同薦錦治行第一應詔借見以郡司馬用晉奉政大夫卒年四十有三崇祀寧國名宦祠

李 鈺 字其相承叔耀祖廕授兵部筆帖式歷授福建安溪山西高平等縣潔己愛民歲饑分廩散米蝗蝻害稼出粟勸捕忽蝨食禾殆盡鈺糴蕎散種民賴有秋旋陞雲南知州年四十有九歲卒

李 鏗 字宏中輝祖次子由監生授江南池州府同知因從兄鈞巡撫安徽循例迴避歷官福建汀漳道浙江督糧道著有惟清齋詩稟

李樹德 字沛元號莪村以世職授佐領康熙庚午北徵噶爾丹以

軍功得優等丁丑充內閣特旨親征平定爲泐漠方略館纂脩官
甲午陞山東總兵官都統僉事丙申授山東巡撫丁酉庚子兩科
文闈監臨武主試壬寅奉旨鎮守福建統轄漢軍綠旗都統將軍
其撫山左時有惠政士民沐其德建祠於登州之蓬萊閣

李瀚原名景隆字受川號西園父新德由歲貢生官雲南知府舉
雍正壬子舉人累官雲南巡撫著有詩鈔行於世

李方勉原名勉德字遜脩由內庭供奉累官廣東道著有懷立堂
詩集

李方勤原名勤德字禹脩一字補之號硯北官戶部主事著有李
邨集滋蘭室詩集洗石山房詩集

李洞德字遐源官參領著有捷碧山房詩文藁紅齋詩存

趙廷臣字君隣性至孝父歿三年獨居不入室順治二年由貢生
知山陽縣時屢經兵火民多流散廷臣均徭緩賦民以安集丁亥
歲饑捐金糴粟計口賑之老弱者復按季周給多所全活逆賊劉
二虎與鄖寇王二虎攻山陽廷臣晝夜固守城賴以全其餘竊發
山寇諭以大義多受撫又嘗率騎偵賊爲所傷扶創歸益嚴守禦
曰吾爲國守於身何有山寇王希榮久據鎮安掠縣令拘寨下臺
司檄廷臣往撫即單騎至賊營宣布威德希榮遂降廷臣因携前
令歸臺司咸器重焉陞江甯同知有趙佛之稱及轉湖南巡道兵
民皆喜曰趙佛來矣時軍需旁午廷臣辦治有方事濟而民不擾

遇刑獄加意平反廳事但聞脫械聲行路爲之感泣尤勵清操歲時酬獻不敢至其門十五年巡撫貴州延見父老博採旁咨凡有條禁洞悉幽隱定賦額興學校禁貪橫嚴騷擾種種實政殘黎如出湯火康熙元年調浙閩總督去之日士民擁道攀號至浙逾年招撫著勳恤軍愛民以勞卒於官諡清獻

朱思義 號奇字順治五年任巡海道僉事風裁卓立嚴懲告訐之風兵無縱恣民得安堵後病卒人皆惜之

袁仲選 仲選邑貢生順治七年任澤州樸誠仁慈愛民如子蒞任之始城爲賊據官兵將臨賊遁去仲選單騎赴任招撫百姓及官兵至王以百姓從賊欲屠之仲選涕泣力爲求免並請以己之家

屬保百姓之性命王始呼百姓而諭之曰爾等從賊本宜誅戮今爾使君再三爲爾請命姑且施恩如再從賊汝等無遺類矣百姓歡呼曰城中性命皆我袁使君所賜也於是家家置仁慈袁老爺救民食祿之牌位朝夕禮拜復於城內建生祠延羽士住持焚香以報活命之恩額日報恩祠後陞潞安百姓攀號如失慈父母又復共捐資財立堆金會每年五月中爲賽五日閤境士民赴會者絡繹載途香火之盛視昔有加焉

李林盛 字震生父向舜以佐領從豫親王南徵攻揚州戰歿贈雲騎尉順治三年林盛襲職七年加授騎都尉隨信郡王徵雲南師旋授佐領康熙十八年擢山東總兵官尋擢廣西提督諭獎其和

輯兵民安靜謹守三十七年調固原帝諭大臣等曰李林盛居官甚優前陛見所奏絕無隱諱廣西武弁賢否皆從公敷陳其言朕皆書而志之矣遂御書明信敦義額賜之授鑲紅旗漢軍都統後以老乞休奉旨卿才品優長簡任都統正資料理今以老病乞休情詞懇切著以原官致任卒年七十有五賜祭葬

李林隆 字震青號紹銀父向文滿名色冷以副都統遷刑部侍郎授三等男林隆襲父爵康熙初授副都統甲寅授鄖陽副將洪福叛詔林隆領禁旅守鄖襄乙卯調守鄖陽會譚宏糾黨犯鄖陽順流而下陸路賊聯絡策應鄖陽糧道遂絕林隆偕提督楊茂勳等分兵擊敗之糧道始通得旨嘉獎庚戌征噶爾丹林隆從征專督

火器有戰功壬申陞固原提督陞辭聖祖諭之曰爾父祖名臣爾熟諸邊事故深信重任使爾養馬練兵於要地秦民强悍王進寶時數爲亂宜從容整理林隆旣蒞任籌畫事宜條奏悉稱旨還京授都統年六十有四卒賜祭葬

戴亨 字通乾父梓字文開才高學博技巧絕倫其製造器物得墨子及諸葛武侯遺意本浙江人好與西人爭勝因忤欽天監監正南懷仁徙鐵嶺遂家焉亨登康熙辛丑科進士出爲山東齊河縣令以抗直不苟合解組去寄居京師家益貧簞瓢屢空晏如也爲人篤於至性然諾不輕有忠孝大節其爲詩宗杜少陵與同時李鐸陳景元齊名世謂之遼東三老有慶芝堂詩集行世

李清鑰 字叔達號北門康熙丙申三月任山西太原府知府工書法購求諸名帖刻石於郡齋後圃名之曰古寶賢堂

劉廷珂 字爾序康熙間歲貢生有題郝復陽先生楹聯云鋤奸不敢欺君父臥雪猶然志聖賢之句官保定東鹿縣教諭

商 珏 字偉玉歲貢生歷任香河武青兩縣教諭

鄧慶麟 字香閣咸豐壬子進士官監察御史時山西官鹽滯銷私鹽充斥皆因地方官招商辦理不得其人乃抗疏論列以清積弊奉旨俞允並因吉林地方村落星散每出命案地方官不肯卽驗必俟續報績數案方帶刑忤衆役多人挨次臨驗竟有伺至三五月之久不獲相驗者且上下廠規每一命案必得數千吊其公館

供給看守呈報及鄉保額外攤派侵蝕尚不在此數內實爲地方之大害死屍日久暴骨或者犬狼殘食或值暑熱糜爛屍驗不全每致屍親兇犯藉以狡執易啓日後檢驗之案特爲據實上聞請旨飭吉林將軍嚴札各州縣遇有命案隨報隨驗永革廠規名目隨帶人役酌立額數違者揭參旨下之日生民無不戴德

石 玠 字季高城西長溝沿人以宗室學教習任滿擢知直隸盧龍縣事時某達官母死修壙凌晨有姊弟經其處土工目窺女美殺其弟而欲姦女女力詈不從遂斃之並弟屍掩於壙下人無知之者公蒞任廉得情寔託言有鵲阻轎而噪驅去復來意若鳴冤者遂至墓處掘壙土達官聞而來阻公與立狀如無異甘認擅開

之咎出其柩復掘土尺餘果見二屍面如生達官目瞪口呆不知所措
公曰當日土工爲誰達官答爲某拘至一訊卽服公爲抵其罪而
旌女節由是石青天之名大噪歷署各路同知未及擢升而歿民
多遺愛之思焉

石賡臣 字又高季高子歷任宛平等縣饒有父風著拆獄名且敦
鄉誼同治間曾兩助奉天全省鄉闈元卷任終直隸同知府事

麻冕 以歲貢生歷任直隸盧龍武清等縣教職

李孟輝 字有光城西大孤家子人以宗室學教習任滿擢雲南等
縣事

郭鑑襄 字介臣咸豐壬子進士由湖南知府累遷山東德州督糧

道所至民皆稱善宣統辛亥重赴鹿鳴宴以引年榮賜一品年八
十卒於魯

李向陽 字曦園咸豐庚申進士光緒初官直隸榮城縣知縣政聲
大著公退餘暇親爲吏民宣講聖諭藉資感化政府聞知方期大
用未幾卒一時士林皆惜之

尤其盛 字銘閣以宗室學教習署樂亭等處縣事頗著能名

于民新 字子元同治乙丑進士授刑部主事辦秋審案多洗冤獄

累充光緒間北闈同考官陞員外郎卒於官

父諱見耆舊志弟景新
子玠璋並見儒林志

田上上 字貢臣以貢生授直隸 縣教諭

田惟公 字朗山以例授直隸易州吏日子葆綬字紫綸以恩貢生

効力吉林歷署五常吉林各府事有循聲以病告歸

陳紀陞 字旭樓熟諳法律同治間以例監官山西襄陵縣知縣民無冤獄

彭廣心 字潤堂號鏡如廣璞之弟也以優行廩生同治癸酉科拔貢盛京宗室學漢教習授職知縣光緒十三年部選湖北廣濟縣實缺抵任後周視縣境見北鄉多山勸植桑柞提倡養蠶捐廉刻印方鞠人桑蠶提要並自著蠶桑簡編行於時而蠶業以興南鄉低窪外江內湖水患頻仍稟請巨款以工代賑修築中廟月隄盤塘湖石橋石隄各工而水災以減屬境武穴鎮發生交涉重案嚴拿首犯弭患無形受知於湖廣總督張文襄公之洞許爲才堪大

用而忌之者亦每以是案爲口實十九年升授知府因兩院失和被湖北巡撫譚繼洵叅劾落職開復後改官山西歷充籌餉局機器局釐捐局營務處各要差奉委審辦五台山渾源州等處京控又委赴河南會審人命重案聽斷明決爲當道所推許三十年山西巡撫張公會馭以局幹老練才具明通奏補甯武府實缺格於部議又委署蒲州府知府未抵任旋因時事多艱乃歸京佐武衛左軍時以姪英甲任甘肅蘭州道馳封頭品封典平生爲文不尙詞藻在官奉職不喜逢迎常慕包孝肅王陽明之爲政未敢自況也惟性情急直言語鋒棱晚年自知不合時宜復以世局日變乃潛心學問兼求醫理凡仲景丹溪及葉天士諸書罔弗搜討以醫

國醫人爲己任宣統二年庚戌年六十九無疾而終

吳璋 字令如鳳藻次子也鳳藻見儒林志璋英年穎秀應童試值延公茂提督奉天學政拔冠軍深蒙器重光緒己丑恩科順天鄉試中式年僅二十四闈藝傳觀老成首肯甲午後李公秉衡巡撫山東聘佐幕府俄人借奉吉黑三省地興築鐵路李公上疏抗議文出其手淋漓悲壯讀者慟心旋歸里復歷吉林黑龍江等處要差以直隸州知州署龍江府知府事卒於官平生著作援筆卽成馬工枚速兼而有之惟不甚愛惜家鮮存稿丁父憂時寓銀岡書院修縣志未成其考核詳實繼纂者頗賴焉性孝友歷官所得廉俸悉奉頤養士林稱焉

楊祖榮 字振先以光緒丁酉科優貢生授職知縣歷署直隸熱河灤平縣朝陽府事因病告歸卒於籍其書法適秀世頗重之

倪信臣 字全五以附生考取臚錄議叙通判分發湖北歷充要差並署咸寧縣事擢府同知未履任武昌起事解組歸里尋卒

陳淮 字桐江紀陞子學術湛深以戶部江南司行走郎中卒於需次

葉長春 字東陽漢軍旗人早登鄉榜工書能文設帳本邑暨遼陽高足弟子多聯捷者光緒戊戌中進士第七名授主事截取直隸州知州在神機營行走庚子之亂卒於京

宮兆甲 字乙青光緒乙酉拔貢朝考小京官工部營繕司主事卒

於官弟兆琳字朗軒附生未仕卒

石立坊 字雲銘以宗室學教習任滿擢知直隸深澤縣事丁父憂起復歷任完縣武邑樂亭等縣所至有聲任樂亭時政聲尤爲卓著庚子亂後又復歷充要差并同知府事子忠箴等以佐貳擢縣乃退休於直隸保定因家焉

楊生春 字震峰原籍山西太原咸同間附入本邑任廣東合浦知縣解組歸襄辦銀岡書院事並捐巨款光緒庚子之亂復以助餉陞授道員記名簡放未及履任卒於京

彭桂齡 字香廷以禮部右翼漢教習歷署新民懷德等縣教諭

彭廣璞 字韞山以附生官戶部江南司員外郎供職三年告歸家

居謝客教子讀書光緒甲午卒於籍因長子熙臣官江蘇道次子英甲官甘肅藩司贈一品封典性孝遭親喪廬墓守制

彭世桐 字冠三廣璞孫以知府分發直隸充崇文門稅差卒於北京需次

李鷹揚 正白旗人以筆帖式歷任倉官

劉東煊 字敬瑚父師正見耆舊志東煊幼家貧誠樸力學從邑名士吳寶賢張枚齋游以縣案入泮清光緒十六年縣令陳士芸振興銀岡書院課士邀任董事力清學欸剔除舊弊嗣由吉林將軍調委機器局銀圓局幫辦保准留省知縣庚子之亂回里經榮令禧陳令璋前後邀辦支應保甲局堅苦耐勞地方稱之光緒二十

八年因停試八股首捐書籍助學者搜討繼由趙令臣翼激創學堂不辭勞怨全境內學校百數十所多其提倡尤注重女學親爲訓教及創設工藝場均有成績因民立學校勸捐甚難乃首捐銀壹千兩迭經東三省總督趙公爾巽錫公良奏加同知銜及獎以熱心教育匾額其子多見教育未宣統間任奉天高等學堂名譽監督奉天省自治顧問及惠工有限公司總理旋由民選充諮議局議員及臨時省議會議員民國三年因病辭職既歸里仍創辦貧民習藝所爲一般失業流氓謀畫生計民國四年積勞成疾卒年六十四弔者雲集

談 森 字良材漢軍鑲黃旗人駐防廣州委驍騎校胸懷坦易戚

友有窮乏者多方協助雖饘粥弗給弗卹也隣里中人無老少咸敬愛之

談建基 字肇齋森長子也家貧專心苦學兼通滿漢文字爲廣州將軍印務處主稿及司理右司度支數十年事經其手無不周當又嫻於例案八旗長官有事就訪必盡誠相告性孝友遇人窮苦傾囊助之鄉黨稱爲善人焉

談廣福 字子卿建基長子也代有懿行爲世所稱公少而歧嶷壯而沈毅精進日強好學不倦清道光間各行省駐防開科公始補博士弟子員道光二十一年英人犯廣州公以諸生從軍泊粵匪洪秀全倡亂公隨副都統烏蘭泰馳赴廣西幫辦軍務烏公以勇

略著聞皆公爲規畫處置故所向克捷以收復象州桂平永安州之功保補驍騎校當時江公忠源頗器重之適以廣州匪勢日熾調公回旗防勦以功補防禦嗣由佐領升補廣州鑲紅旗協領公事親盡孝待人以德治軍嚴明恩威並著在軍四十年未嘗妄戮一人雖古名將不是過也

談廣慶 字雲浦先世諱有貴公者駐防廣州隸鑲白旗漢軍籍公性嚴端慈惠好學工書長於吏治引經折獄稱神明宰時人頌爲談青天云幼年攻苦勵學家貧輒警鐙以資膏火弱冠入郡庠會朝旨駐防士子不得預文試遂改習清文同治壬戌舉於鄉癸亥聯捷成進士故事漢軍習清文無預館選者改主事分工部虞衡

司旋以知縣揀發奉天署治中遷開原縣調金州廳同知遭外艱回粵服闋遭內艱鄉居凡七年親族中之無力婚葬者輒資助之先塋歲久多傾圮恆典質衣物從事修葺親督工作風雨寒暑不少休光緒四年旋奉歷知承德海城廣寧新民寧遠金州各廳州縣事甲午中日之役公官金州以失守獲譴公子國楫上書請代奉旨赦免丁酉卒於家年六十八歲先是洪楊之變公以諸生充領催大小凡數十戰功在桑梓副都統來公遷杭州調從戎幕杭城陷慮親之懸念也夜縋城出傷足昏暈遇救始甦展轉出險得旋里時群盜如蝟道路梗塞間關數千里獲慶生還人以爲孝思之報公任治中時有某知名士因事被逮公竭力營救得免卒爲

有清中興名臣奉省地居邊塞文化苦未進公所至各邑視事之暇輒獎借寒峻以振興文教爲己任於廣寧建文昌閣於新民修孔子廟皆捐廉以爲之倡而兩邑學子擢巍科登高第者遂連綿不絕己丑寧遠苦旱穀價日漲公勸業糧商者平其價商益居奇公則廣爲告貸得兩萬金悉購糧輸入價驟跌落民欣然有喜色而虧折無算人有目公愚者輒笑應之其憐才恤民多類此甲午中日失和平壤戰敗日軍由岫岩花園口登岸進逼金州爲襲取旅大計金州向駐有淮毅各軍至是咸調赴前敵公以旅大爲東陲門戶金失則旅大危上書當道乞諸軍回援羽檄十不報一公慨有死事之志愛公者咸勸公乞退或勸公送眷屬出境公曰

臨難苟免余固不爲設移家他往是亦逃也余家可逃民將焉往遂決計弗去城陷之日商不輟業街市如恆民無流離瑣尾之傷而公則家室蕩然矣日軍之臨城下也公知外援已絕矢志效死遂率署中固有之捕盜兵二十名偕副都統連公登東城公子國楫從焉彈落如雨穿連公中衣公左足亦受傷遂昏仆兵士感公公義昇之出公甦謂左右曰非我志也衆咸爲之泣下事定當道以聞前敵守土官吏身受重傷者祇公一人得減等罪坐軍台時公子國楫甫改翰林院庶吉士上書請削職代戍朝廷鑒其孝奉旨赦免有清一代無請代例公之獲宥異數也公仕奉垂四十年清操惠政有古循吏風至今父老緬懷往事猶稱道弗衰非誠足

動人烏能若是乎以功獎叙鹽運使銜在任候補道候補知府賞戴花翎誥授中憲大夫誥封資政大夫子三人長國勳原任正白旗驍騎校次國楫光緒癸巳恩科兄弟同榜舉人乙未科進士改翰林院庶吉士花翎二品銜前任黑龍江度支使司度支使三國桓光緒癸巳恩科兄弟同榜舉人花翎二品銜前奉天候補道借補黑龍江官運局局長均廉能有父風

郎賽 世居鐵嶺本姓劉天命元年來歸四年太祖取明撫順郎賽從著勳伐六年從取明瀋陽在事有功崇德七年漢軍分隸八旗郎賽始隸正紅旗尋管佐領八年隨征寧遠拔中後所前屯衛敗遊擊吳良弼等斬總兵李輔明等十二月隨征黑龍江俘獲甚衆順治元年隨入關破賊將唐通於一片石嗣追流賊至潼關率衆前驅大破之二年抵揚州克其城尋破江陰等郡叙功累加世職至一等輕車都尉十三年擢爲寧海將軍鎮守福建十六年鄭成功率率兵攻鎮江朝命禁旅至福建會同郎賽由廈門進勦禁旅因風失利事連郎賽並逮問削爵康熙八年事白復職十年卒

郎賽應移入鄉宦志第三百四十四頁內金世宏下

李延壽 一名剛阿泰額駙李永芳第三子也少負將材早歲從征平定南方郡縣以功加都督順治五年任宣府總兵時大同鎮姜瓖作亂千里響應人心搖動而五臺受圍尤急延壽伺知賊穴在寶村聲言代州養馬刻期進兵即從峨口出賊不意夜抵寶村自據眞武廟遣勇士數人馳馬耀甲於街賊衆驚潰乃縱兵圍勦賊黨聞之解五臺圍延壽分兵勦捕且招撫安民有點賊據曹巖砦拒守砦高數百丈四面陡絕延壽督軍環圍之斷其上下途徑夜半緝綴援手而登直造砦門鳴鼓奮攻賊驚潰俱墜崖死遂入城曉諭四鄰各還本業延壽居官二載旌別淑慝優禮士庶亂後勸墾荒田給牛具人人有更生之慶卒祀山西名宦

李延壽應移入鄉宦志第三百四十七頁內李率泰下
李輝祖 恒忠長子隸正黃旗漢軍康熙十三年擢郎中十九年遷
貴州按察使二十一年授四川布政使川省經吳三桂亂後田多
荒蕪輝祖勸民開墾生聚呂盛按畝徵賦釐奸除弊民以爲便歲
貢蠟料棧道險阻民多以爲病輝祖力請於巡撫奏罷之三十四
年授河南巡撫尋擢湖廣總督卒祀四川名宦

李興祖 隸正黃旗漢軍宜哈納子輝祖弟也初任直隸慶雲令康
熙二十四年擢山東兗州捕盜同知地爲山東江南兩省扼要時
土寇李二和尚餘孽尙不靖興祖蒞任曉諭居民能擒賊者賞能
自新者卽免罪不一年餘黨盡除在任三年多方巡察恩威並濟

兩省所屬人民悉遵禮讓姦宄衰息迨攝篆沂州清廉惠愛咸頌
仁明尋擢直隸河間守累官江西布政使順天府丞卒兗人思其
德崇祀名宦祠

李鐸 鐵嶺人隸正黃旗漢軍康熙中知浙之紹興府會餘姚大
水漂溺人民廬舍鐸與知縣康如漣煮糜以賑編筏以居又念就
食妨業復按各縣鄉里民籍人給米四斗幼者半之製衣與寒者
全活無算在任四載始終不名一錢

李輝祖至李鐸此三人列傳應移入鄉宦志第三百
四十九頁內李率祖下

鐵嶺縣志

忠節志

樂記曰石磬磬磬以立辨辨以致死君子聽磬聲則思死封疆之臣古時君主政體以忠君為愛國故無論死於何姓死於何人而斷脰決胷致命遂志甚至破家湛族事不悔重情可哀重事可風矣夫國之危也不患無生之氣而患無死之心人刀礮而我魚肉徒宛轉哀號以求偷生苟活祇益辱耳究之不肖之形骸終不能常存世宙勇者不為智者亦不為也鐵嶺忠節歷歷可徵迄今登高憑弔尤不能不慷慨激昂痛惜於古人之不可復作焉志忠節

金

瓜爾佳守中

舊作夾谷守中

咸平人大定二十二年進士歷通遠軍節度使

至甯末移彰軍未行夏兵數萬入鞏州守中禦之兵少不能支城陷不屈夏人載之而西至平涼要以招降府人守中佯許至城下呼曰外兵矢盡且遁矣慎勿降夏人交刃殺之詔贈資善大夫東京留守以其子鄂摩為筆硯奉承

舒穆魯元毅

舊作抹元毅

咸平路穆昆人為大理知法省錄陝右五路刑

獄無冤人復委受宋歲幣故事有私遺物元毅一無所受明昌初為汾陽節度副使時石嵐賊黨嘯聚元毅滅之全境以安遷同知武勝軍節度使有疑獄久未決一訊即服河東北路田多饒瘠大比時定為上賦民多困乏元毅以三壤平之民賴其利歷撫州刺

史會邊境寇起率從吏戰死事聞贈信武將軍召用其子世勣

舒穆瞻世勣

舊作石抹世勣

字景畧幼勤學為文有體裁承安二年以

父元毅死王事收充擎執

名官

五年登進士貞祐三年累官為太常

丞時朝廷徙河北軍戶河南議給以田世勣上言荒閒之田及牧

馬地其始耕墾費力當倍一歲斷不能熟若奪民素蒔者與之則

民將失所上大悟乃罷之正大中為禮部尚書天興元年冬哀宗

北渡世勣從行明年六月走蔡州次新蔡之姜寨世勣子嵩時為

縣令拜哀宗於馬前哀宗嘉之授嵩應奉翰林文字以便養親城

破父子俱死於難嵩字企隆興定二年經義進士

納喇綽奇

舊作納綽奇

咸平路雅哈河明安人契丹瓜里使人招之不從

鐵嶺縣志

忠節志

三百六十四

奉天作新印刷局排印

以兵據改渡口賊月餘不得進既而瓜里兵大至遂見執鬻而殺之贈官兩階二子皆得廕叙

圖們色埒默

舊作陀滿斜烈

咸平路明安人襲父職承安中討契丹有功歷

遷保大軍節度使徙知彰德府事貞祐四年元兵復取彰德色埒

默死之

鈕祐祿資祿

舊作資祿女奚烈

咸平府人本姓張氏泰和伐宋從軍有功遙

授同知通遠軍事興定元年官西甯州刺使賜以姓五年授隴安

軍節度使救薊州兵敗不屈死之贈銀青榮祿大夫

明

李如松

寧遠伯成梁長子也萬曆間張居正當國推選名將是時

成梁與戚繼光齊名而武功較戚爲多故得封伯世襲五子俱膺節鉞如松居長智勇尤爲傑出萬曆間寧夏唃拜父子合劉東陽等倡亂命如松討之如松先登入城功第一會日本攻陷朝鮮上命宋應昌爲經略應昌舉如松爲征東提督奮勇先登日本驚走半載之間連平大寇威名甚著後追敵陷伏中死之贈少保襲寧遠伯諡忠節

節錄明史如松字子茂成梁長子以父蔭爲都指揮同知充寧遠伯勳衛驍果敢戰少從父諳兵機再遷署都督僉事爲神機營右副將萬曆十一年出爲山西總兵官給事中黃道瞻等數言如松父子不當並居重鎮大學士申時行請保全之乃召僉書右府尋

提督京城巡捕進都督世廕錦衣指揮同知會朝鮮倭患棘詔如柏如松提督薊遼保定山東諸軍尅期東征弟如梅並率師援勦與經略宋應昌不相下十二月如松至軍沈惟敬自倭歸言倭酋行長願封請退平壤迤西以大同江爲界如松叱惟敬儉邪欲斬之參謀李應試曰藉惟敬給倭封而陰襲之奇計也如松以爲然乃置惟敬於營誓師渡江二十一年正月四日師次肅寧館行長以爲封使將至遣牙將二十人來迎如松檄游擊李寧生縛之倭猝起格鬪僅獲三人餘走還行長大駭復遣所親信小西飛來謁如松慰遣之六日次平壤行長猶以爲封使也竚風月樓以待羣倭花衣夾道迎如松分布諸軍抵平壤城諸將逡巡未入形大露

倭悉登陴拒守是夜襲如柏營擊卻之明日如松下令諸軍無割首級攻圍缺東面以倭素易朝鮮軍令副將祖承訓詭爲其裝潛伏西南令游擊吳惟忠攻迤北牡丹峰而如松親提大軍直抵城下攻其東南倭礮矢如雨軍少卻如松斬先退者以徇募死士援鈎梯直上倭方輕南面朝鮮軍承訓等乃卸裝露明甲倭大驚急分兵捍拒如松已督副將楊元等軍自小西門先登如柏等亦從大西門入火器並發烟燄蔽空惟忠中礮傷胸猶奮呼督戰如柏馬斃於礮易馬馳墮塹躍而上麾兵益進將士無不一當百遂克之獲首級千二百有奇倭退保風月樓夜半行長渡大同江遁還龍山寧及參將查大受率精卒三千潛伏東江間道復斬級三百

六十乘勝逐北十九日如柏遂復開城所失黃海平安京畿江源四道並復曾清正據咸鏡亦遁還王京官軍旣連勝有輕敵心二十七日再進師朝鮮人以賊棄王京告如松信之將輕騎趨碧蹄館距王京三十里猝遇倭圍數重如松督部下鏖戰一金甲倭搏如松急指揮李有聲殊死救被殺如柏寧等奮前夾擊如梅射金甲倭墮馬楊元兵亦至斫重圍入倭乃退官軍喪失甚多會天久雨騎入稻畦中不得逞倭背岳山面漢水聯營城中廣樹飛樓箭礮不絕官軍乃退駐開城二月旣望諜報倭以二十萬衆入寇如松令元軍平壤扼大同江接餉道如柏等軍寶山諸處爲聲援大受軍臨津留寧承訓軍開城而身自東西調度聞倭將平秀嘉據

龍山倉積粟數十萬密令大受率死士從間焚之倭遂乏食初官軍捷平壤鋒銳甚不復問封貢事及碧蹄敗劔如松氣大索急欲休息而倭亦芻糧並絕且懲平壤之敗有歸志於是惟敬款議復行四月十八日倭棄王京遁如松與應昌入城遣兵渡漢江尾倭後將擊其惰歸倭步步爲營分番迭休官軍不敢擊倭乃結營釜山爲久留計時兵部尙書石星力主封貢議撤兵獨留劉綎拒守如松乃以十二月班師論功加太子太保明年四月土蠻寇犯遼東如松率輕騎遠出搗巢中伏力戰死帝痛悼令具衣冠歸葬贈少保寧遠伯立祠諡忠烈以其弟如梅代爲總兵官授長子世忠錦衣衛指揮使掌南鎮撫司仍充寧遠伯勳位復廕一子本衛指

揮使世襲恤典優渥皆出特恩云世忠未久卒無子弟顯忠由廕歷遼東副總兵當嗣爵朝臣方惡李氏無爲言者至崇禎中如松妻武氏愬於朝章下部議竟寢後莊烈帝念成梁功顯忠子尊祖得嗣寧遠伯闖賊陷京師遇難

喻成名

史鳳鳴

李克忠 俱以游擊守鐵嶺萬歷四十七年死綏

李如梃 成梁之侄也萬歷四十六年清克撫順明年克開原鐵嶺

如梃家居與弟如梓子一忠存忠俱死焉

李如梓

李如榛

李如稷

李如檜 以上同時殉難

李尊祖 如松孫也襲甯遠伯世爵居京師崇禎甲申李闖破城殉

難清乾隆四十一年贈諡節愍

清

李懋祖 順治初由貢生授平度州知州擢湖廣兵備副使護廣西

巡撫事六年何騰蛟圍城九月城破懋祖及子庭賡死之贈光祿

寺卿

金玉和 字振寰漢軍正黃旗人太祖天命四年下開原時玉和爲

明千總率衆降授參領予三等男爵擢禮部承政崇德二年從太宗征朝鮮六年隨圍錦州克松山明年下錦州克塔山叙功予騎都尉世職旋隨鄭親王戰於甯遠克前屯衛中後所二城順治元年擢工部參政晉三等輕車都尉八年以副都統隨軍河南署懷慶總兵時李自成竄陝西其黨劫掠河南犯濟源玉和往援城已陷夜半遇賊力戰中矢歿事聞卹贈二等男以子維廷襲

金世礪 維城第二子初任佐領康熙十七年隨平南大將軍征福建擊敗台灣兵於江東橋十八年台灣將劉國軒率衆萬餘犯漳州世礪督兵進戰中流矢歿賜卹予雲騎尉世職雍正七年入祀昭忠祠

高天爵 字君寵漢軍鑲白旗人後以子其位任大學士改隸鑲黃旗順治四年由貢生除知高苑縣再擢知長沙府調江西建昌府廣昌山賊王昂傅勝等既降復叛官軍擒之斃於獄餘賊距羊石滴水二砦老巢負固抗拒天爵與巡道張永祺定計討平之事聞得優叙康熙十三年遷兩淮鹽運使未行值耿精忠之變天爵曰建昌不守則南昌危因請兵自將防其西出募丁壯繕城垣躬擐甲胃與敵戰被執不屈死贈太僕寺卿諡忠烈雍正四年加贈禮部尚書銜追賜卹典七年入祠九忠祠

李向舜 鐵嶺人隸正黃旗漢軍父猷箴崇德時屢立戰功授世職二等叅領向舜亦官參領順治元年從征江南攻揚州中礮歿其幼弟向日官遊擊康熙十四年從征湖廣省城被圍竭力捍守城

陷罵賊不屈死

(盛京通志)

李向禹 漢軍正黃旗人順治五年由貢生任山西陵川縣知縣姜瓖之亂妻王氏謂向禹曰君職守土宜竭力報國勿以家爲念向禹領之率家僮出爲禦敵計城破闔門死之贈光祿寺少卿

李向堯 向禹之長兄也任山西助馬路參將姜瓖之亂闔門殉節贈左都督僉事入祀忠烈祠

李成功 邑人順治乙丑武科進士任參將隸湖廣鎮劉進忠麾下康熙十三年耿精忠叛密授僞職成功謀與于國璉共誅之事泄被執不屈事聞贈驃騎將軍

鐘尙勇 正藍漢軍世居鐵嶺以四川馬瑚之役陣亡贈雲騎尉

(見

鐵嶺縣志

孝義志

孔子曰性相近也習相遠也唯上知與下愚不移旨哉言乎自孟子言性善荀子言性惡後儒因以聚訟莫衷一是竊以爲他說可以盡廢卽孟荀二說亦可歸納於孔子之說中孟子之言性善卽上知也荀子之言性惡卽下愚也其二者之中知愚混卽善惡混習與性成理無可易故中人非教育不爲功若夫渾沌窮奇樸杌饕餮雖日與聖人居曷克有濟而世之奇節瑰行足以驚天地動鬼神固又不盡在士夫中也鐵邑山水秀靈得天之厚者當不乏人然而代遠年湮其明德馨香每在於窮鄉僻壤太上貴德不務名夫誰得而知之此

所以曠世求之而若寥寥也今新舊過渡華實交需憂世者謂文明進化卽道德退化然道德退化則人類息矣上知不移乃圓顛方趾之倫所以高出於萬物也雖無老成尙有典型中國之彝倫攸叙不可以己有未能而並誣前人也志孝義

金

翟 巽 貴德州人明昌元年詔賜絹十疋以旌孝行事實未詳

明

邵 義 鐵嶺衛人未婚父母皆死竭力殮葬廬墓三年鄉人憫其

孝勸之婚親迎畢不入房室復廬墓三年入祠祀

清

李榮祖 明寧遠伯成梁曾孫也清初任佐領遷工部營繕司郎仍
管佐領事天性孝友父思忠督戰傷頤臥床褥者累月榮祖日夜
侍藥始終無懈及思忠痊愈人咸謂至孝所感卒年三十有二
李庭貢 字叔慕號民村順治六年父懋祖殉難永州土人藁葬桂
林府城外庭貢滴血尋骸改葬武昌居母喪廬墓三年不茹葷酒
年七十卒

李庭貴 庭貢之弟也與兄庭貢居母喪同廬墓三年同時有趙庭
臣字君鄰性至孝父歿三年獨居不入室事詳鄉宦

劉芳亭 字馥堂城西宋家泡人季父早世無子公承其嗣事母有
孝行母性躁動輒詬責之芳亭怡然順受無敢怨苦學不懈年四

十始補博士弟子員子婦滿前晨昏起居無稍懈嘗爲親執溺器
不以年長而孝衰

陳 鼈 同治間人時馬賊蠡起劫鼈家殺其父而遠逃鼈飲恨葬
畢誓必尋報每農隙輒懷利刃出尋不令家人知一日得賊所在
往偵遇諸途直前刺之賊以洋槍射鼈撲地以爲旣死乃去號於
衆曰復仇者吾已殺之莫予毒矣須臾鼈甦視所傷皮膚耳潛歸
遂絕口不言復仇事賊亦不戒逾年偵賊醉臥某家夜率家人捕
獲送於官賊乃伏法

孫 珩 字楚珍家寒勤學年五十餘事母能孺慕歿之時尙偃母
膝下時人稱之

張簡 字枚齋咸豐間邑貢生性孝友重實行時邑內斗紀濫索合糧卽羨餘農民多受擾累獨具呈請縣禁止而叨分餘利者大肆運動始以東錢三萬緡餌簡使無再聲明簡力斥不受斗紀變計賄上峰誣以不守臥碑上諭干預公事斥革衣頂嗣有全城商戶代表張玉峰劉榮生等出爲質証地方官礙於公論乃稟請復簡衣頂終剔積弊簡成功不居非密友莫能道其詳設帳邑中繼起多出其門與魏商同時並修縣志

嚴叟 逸其名或云祿道光間人幼貧在河西大夏家樓劉姓傭工每夜磨麥作麪不燃燈以節費劉翁見其誠樸乃故以白銀二錠置麥困中叟得之疑爲竊盜所藏白主翁主翁曰此汝所應得

者叟堅辭不受由是倚信獨深

王鍾嶽 開原人道咸間居本邑之東關獨念柴河無橋往來不便每秋自任歲修之費歷十餘年不怠鍾嶽死子基隆復繼之後家資零落乃由邑紳楊生春繼之近年歸商會接辦詳慈善志暨商務志

宋興義 城北高麗站人家富村東有豆田秋成將收盡爲貧家婦女拾去義聞之晏如也村中婚喪無力者輒代爲籌措同村稱道不衰

段九 咸同間城西楊相國屯人幼眇成廢疾家奇貧事母至孝每乞食以供頤養已則惟啖糠與野菜而已秋成拾穗雖忍飢多

日從不翻檢田間露積光緒初其母善終九哀毀未幾亦卒

秦錫藩 字紹先號价人邑南關人冠而游洋越年母喪廬墓三載制終回里事聞經前戶部侍郎傅良弼錫匾額一方文曰孝思不匱

胡康濟 字闔均文童訓蒙爲業世居前帽峰山村光緒二十六年八月俄人入境肆行姦淫適入其屯有該屯老孀婦年四十餘在家未逃入其家逼姦胡某袒護幸未被污竟被俄人用槍枝死刺

鐵嶺縣志

耆舊志

幽蘭生於空谷不以無人而不芳太史公曰桃李無言下自成蹊人貴自立豈必待位高名顯始足有爲哉古人詢于芻蕘而獨行之士亦代有其人鐵嶺地接邊荒不必戶澤詩書家習絃誦然先民崇尚實踐平居晏處恂恂乎無異常人至圭臬一二聖言見之於行事功在鄉閭其陰德亦遠矣書曰人惟求舊器非求舊惟新竊謂今日之新學固日進於文明彼舊有遺型有是流傳在繼起之人亦不當聽其湮沒也見聞不廣搜采多遺懿德清風佚在人間尙望有以來告耳志耆舊

于浩 邑西曉興屯人性長厚以農起家鄉鄰貧乏之家凡婚葬無資及歲終不能舉火者竭力周卹子民新成進士官刑部員外郎見鄉宦志次子景新以諸生終孫玢琇亦均以諸生名噪於時人謂厚德之報云

劉國璽 字符震同治間倉承捐修常平倉三十間光緒間燬於火

楊朝材 城東南車夫屯人於縣令廉隅創修考棚時曾捐巨資

蔣濤 字紹源同治初魏商諸人補修縣志時任勸募及收掌事

劉師正 字鑑堂城內人宿學教授明醫學遐邇知名歿時遺囑子

東煊捐圖書集成于銀岡書院供後學博覽並見教育志

趙文珍 字玉亭河西戴三家子人性揮霍好義居鄉里之間多爲

排難解紛光緒庚子盜賊四起力任招撫隣村盡獲安堵以詩書教子長子桂田邑庠生早卒文珍以次子蘭田成進士受二品封典平生不以富貴驕人其對鄉農野老藹然絮語惟恐傷之年八十餘五世同堂無疾而終遠近赴弔者輿馬塞途

李守榮 字華甫生平勤儉持家財雄一邑長子葆廉見儒林志守榮以次子葆貞成武進士受二品封典助理書院事

彭廣泰 字明軒世居城南官房身弟廣璞廣心見鄉宦志子俊臣見儒林志以農起家改營商業城東龍首山下盤道城東南黃金溝官房身一帶之石橋山路催陣堡之觀音閣嶺均常年修理行人稱便

張玉峰 以本邑酒商起家性公正同治間邑貢生張簡控斗紀舞弊反遭斥革乃與劉榮陞力白其事卒得直復簡衣頂輿論翕然劉榮陞 以當商與張玉峰請復張簡衣頂並剔除斗弊

秦瀛 字仙洲家風肅穆數世同居

金其相 字蘭坡世居開原柴河堡徙本城內積學多年家風淳厚人多稱之

曾紀昇 字旭樓紀業弟也紀業見儒林志紀昇耕讀治家壽至九十餘宣統間恩賞耆賓亦人瑞也

許永昇 字鳳翔業商壽九十餘五世同堂宣統間恩賞耆賓

房寶舉 字蘭亭河西大青堆子人家中落棄儒力求農事性好急

人之難光緒庚子辛丑間隨二品封典趙文珍等同辦保甲鄉里頗獲其益

鄭宗僑 字壽庭原籍海城幼習舉子業不得志乃研究醫學光緒二十一年避亂遷邑內遂業醫診脈處方多有稱者二十六年移河西大青堆子值拳匪爲亂仁育潰軍糾匪圍攻鄰村而俄人南下其通譯等更搜槍詐財人心惶惶乃與村人共籌緩輯禦防之策里居賴以稍安

音德恆額 尙姓字子陽漢軍鑲黃旗人吉瑞之姪也弱冠披甲司旗署冊檔補領催平生長厚公平注重實業清光緒末被選舉爲城廂自治會總董兼農務會總理殷勤倡導不辭勞瘁成績可稱

見農事志民國元年病卒

鐵嶺縣志

儒林志

東西各強國無所謂儒也政治法律兵戎實業皆從學問中來人皆士卽人皆儒儒之名詎能獨立乎世謂孔子之教爲儒教欲厠於宗教之一其說尤誣夫孔子之道德高邁更具政治法律兵戎實業之完全智識不用於世老而退休弟子不招自來敦品立行而外或以貨殖稱或以才藝著或折獄如神或死綏有勇彰彰在人耳目以至曾子芸瓜樊遲學稼民生日用罔不究心故曰身通六藝者七十二人禮記儒行一篇稍有以見其概略倘舍是言儒吾不知儒者之事爲何如事也漢宋以訓詁理學衍其支流世遂病儒爲文僞明清以

來變本加厲更以八股卷摺束縛天下士遂若儒之爲儒純以干祿爲職業干祿不得非館穀則家食此外若無事事中國之衰衰於此矣鐵嶺儒林古無可考今載而存之皆二百年間之人士其或卓犖奇才限於功令無能表見於當世亦時爲之也然而置身庠序獨善爲懷孝弟忠信之範圍類皆兢兢焉無敢逾越殆孔子遺澤歷數千年猶有存其髣髴者乎竊願繼起之英擴而充之以實學納於實用斯可矣志儒林

明

高崇文 邑人太學生

清

董國祥 字掌錄康熙間與孫羅邢左諸人創成縣志

孫 梗 字麓樵

羅繼謨 字巖旭

邢為樞 字環生

左暉生 諸左皆明吏部稽勛司郎中左懋泰之子若姪原籍山東

萊陽徙鐵嶺暉生與所生文名尤著同董孫羅邢諸人共成縣志

復從郝復陽先生游捐資助修銀岡書院

左昕生

左昭生

左曉生

左昫生

左詰人

左準人

戴 亨 字通乾登康熙辛丑科進士詳鄉宦志

戴遵先 諸戴宗派無由詳考據銀岡書院碑誌遵先諸人皆明湖

廣參政道戴公國士之嗣原籍江西新昌遷鐵嶺從游於郝復陽

先生捐資助修書院

戴巡先

戴盛先

戴天彬 清初舉人時名甚籍現有塋在城東黃金溝

戴文緒 清初進士

李 鏞 字鐵君號豸青山人又號焦明子父輝祖累官至少司寇其婦翁爲太傅索額圖時方柄國聲勢隆赫鏞又勳臣後例當得官顧獨遠避之盡以先世產業屬二昆偕妻隱盤山買田豸青峰下構草舍雜山畝以耕其貧者授之田無所取乾隆丙辰薦試博學鴻詞復舉經學未遇既老歲一至京師然一二日卽歸人罕見其面詩古奧峭削自關門徑著有睫巢集睫巢後集舍中集及尙史藁行世

徐元弼 邑諸生具呈請釐書院地基之功居多餘未詳

商其果 字毓德乾隆間恩貢生設帳多年頗宏陶鑄子曾亦以貢

儒林志

三百七十九

奉天作新印刷局掛印

生未第卒

商其桃 字漁津其果之弟乾隆己亥舉人天資聰穎冠舉於鄉授晉州學正

商 沖 字壯斗嘉慶間歲貢生博學不仕教授於家多所造就
張廷樞 字斗華城西南牛糸岡人道光間優貢生工書法得趙魏公遺意

廖宏麻 城東七里屯人道光間歲貢生工書與張廷樞周暉齊名
張 芳 城北平定堡人道光間副榜才華卓越

周 暉 字爽亭城西南蓮花泡人道光間歲貢生父早卒母守節盡畫荻之教工書能文隱居授徒

陳繼興 字曉樓道光間廩生因出保邑童訓導某受賄派保繼興與之杭議訓導某稟憲斥革衣頂遂拂袖入京肄業國子監秋闈中式因磨勘被撤乃毀棄儒冠專以醫名當設帳時出門下者以魏燮均商廣源爲最著姪淮別見鄉宦志孫慶芳以諸生卒

尙廷伸 字鐵峯以能詩著名

陳密 字曉樓

金鋒 字秋水城西康熙樓人道光間貢生隱居教授學規嚴肅一時士子多出其門孫航字蓮舫以諸生著名

董遇辰 字秋伯道光間貢生寒峻未第善誘有方歿後生徒追慕之

吳枏 原名鳳鳴字仲培道光己亥舉人學品兼優文法清古本境名勝碑記時出其手子元秀原名珩字寶賢拔貢生復中同治間副榜教授多年卒弟鳳儀鳳藻暨諸姪別見於後

依齡阿 字香九漢軍旗人居城北果子園咸豐間鄉試中式不樂仕進教育有方設帳省垣生徒鼎盛

楊生直 字方大成同間由山西遷居邑內復以山西原籍入黌宮並鄉試中式文名大著卒葬邑城西

孫進祿 字錫三城南大鮑家岡子人以承德籍入黌宮考取宗室學漢教習

李向陽 字曦園以名進士教授多年並見鄉宦志

魏燮均 字子亨號鐵民咸豐間府學貢生工書法善古文詩詞家
貧負笈遠游多覽名山大川平生所得見於謳歌著有九梅村詩
集刑部侍郎銘安慨然出資爲之付梓時邑乘久未重修百數十
年之文獻凋零殆盡獨發憤與二三同志蒐討甚劬稿成銀板燬
於火殘編斷帙考乾嘉以前故事尙多因之

商廣源 字文瀾禮部右翼官學漢教習學有家傳工書法設帳邑
中並與魏燮均張簡諸人同修縣志族弟廣洽恩貢生亦教讀多
年

涂迺濟 字柳溪城西蔡家壩人以諸生協修縣志

姜海藩 字紫垣邑諸生家居教授協修縣志

袁家敖 字甘泉別號鐵脚行者工寫意畫得邵丹泉筆法性疎狂
有求其畫者輒曰我書勝於畫莫若求我書又好吟詠興至口占
不計工拙亦無遺稿與魏燮均同時間有贈答見於九梅詩集

任鍾嶽 字香陔城東會士屯人以善畫名家商魏諸人修縣志時
與繪圖惜無存稿

石玉山 字朗人咸豐間郡貢生教授多年成就後學甚衆

彭籛齡 字椿圃城西長溝沿人左右翼官學漢教習教授有年子
福善以諸生卒

王鍾瀛 字仙舫禮部右翼漢教習家居教授並嘗經理銀岡書院
曾紀業 附生教授有年

趙果 字有爲邑諸生性方嚴學問精邃時八股盛行獨探討經義嘗論中庸一書或分五大支或三大支又以費中隱隱中費言天道言人道者釋之愈支離而愈晦塞其實子思述孔子行狀也故首舉仲尼曰終以仲尼祖述堯舜皆孔子之內聖也中叙文武周公及哀公問政又皆孔子之外王也若以天命爲原始以下學爲要終更所以示孔子之道所自來與願學孔子之門徑耳故以孔子爲主人翁則全書皆成實錄不墮茫茫烟海中其持論多如是年老勤學不倦卒於家堂弟召棠附生蔭棠武生行誼皆有可稱

王珍 字坤闡遼海屯人恩貢生候補直隸州州判性方嚴才高

學博於經史子集罔不精通著作援筆卽成惜遺稿鮮存者弟瓚字瑟齋附貢生以儒生能營實業年七十四卒

王友雲 字伯卿珍之猶子也歲貢生考取宗室學漢教習教授三年期滿以知縣選用而乃無心仕進築近市軒教子姪課生徒一時名士多出其門平生著作經兵燹無多存者

石汝霖 字雨人以漢軍博士弟子員家居教授姪聯雋字椿圃附貢生亦嘗設帳授徒光緒庚子之亂俄兵入境同辦支應局維持地方

張履豐 字豫齋咸同間人居城南八里莊以諸生著名設帳多年士林稱之弟履泰亦工文蜚聲藝苑子鶴慶字青田胸懷磊落學

問淵深能詩工畫山水惜皆以不遇卒

曹儀 字乙堂同治間附貢生居城南前八里莊以教讀爲業年六十餘卒

李夢花 字香亭城東黃金屯人以諸生隱居教授多年

袁椒圃 城東大甸子漢軍諸生歷就西席通韻學

羅尙霖 字潤周性方嚴父早世事母以孝聞學行純正無志進取以例貢教授多年屢就西席士林多稱其學規嚴肅

陳熙載 字海涵繼興之姪也禮部右翼漢教習嘗經理書院並捐助鉅款

左聯甲 字奎軒左公懋泰之後裔以附貢生經理書院

鄧培文 字械書附貢生嘗經理書院

吳鳳儀 字韶亭枌之弟也附貢生援例候補直隸州州判未歷任與陳左諸君同時經理書院子琪並弟鳳書之子琨以諸生卒

吳鳳藻 字五樓枌鳳儀之弟恩貢生直隸河工候補同知性豁達嗜吟咏經理書院二十餘年提倡後學藹然可親士林每以吉人目之長子璦附生助興學校次子璋舉人仕至龍江知府另見鄉宦志

蘇潤田 字蘊軒城東新墳人同治間歲貢生設帳多年門多桃李

楊松年 城南後八里莊人附生卒

李毓科 字杏橋性沈摯以宗室學教習迭就西席嘗經理書院

曹坤 字子厚城東太平寨人增廣生員性寬平教授多年

張尙德 字藹軒城北下塔子人以附生設帳教授有方

郭明韶 附生城東柴家堡子人

張育德 字疊三附生城東三家子人

劉福盛 字全武附生城南後八里莊人

王子經 附生城西南屈牛彖屯人

劉潤 字雨亭附生貓崖子人

侯振國 漢軍鑲白旗附生

石松泉 原名珩字寶南附生珩之後裔珩見鄉宦志

鄭琴航 字乙黎原籍山東同治間以族籍入邑庠才捷敏工書法

得板橋意能別樹一幟

張桂馨 字月亭同治間生員文名甚著

胡鑑清 字鏡泉兄佐清勤苦力學早卒而鑑清乃以歲貢生設帳

有年後進之士多出其門性清介平生臨財不苟得亦不趨附時

流甘以貧終

張贊元 字子襄父簡見孝義志兄其志苦學未遇卒贊元性梗介

學有淵源以附生家居教授

葉長春 字東陽漢軍旗人早登鄉榜工書能文設帳本城暨遼陽

多年光緒戊戌會試中進士第七名時弟子鄉會聯捷者已數人

矣並見鄉宦志

吳啓昆 字裕青家寒勤學設帳多年中歲遊庠曾任義學教習弟啓季字俊卿學力純摯遊庠後亦曾設帳惜年不永

倪用極 字子修力學沈著中歲遊庠設教多年子信臣見鄉宦志孫 鏐 字耀堂廩貢生文思沈著與監察御史鄧慶麟爲莫逆交在京幫辦摺奏回里教讀多年年七十餘勤學不倦

周文煊 字耀堂城西大台村人青年遊庠移居城內設帳有年光緒庚子之亂維持地方安寧與有力焉

楊毓崧 字子英光緒壬午舉人庚子之亂與周文煊諸人同維持地方安寧

李蔭階 字雨辰寒素遊庠多年設帳

常國清 字月軒附生居東關文名素著弟國輔字均衡附生國輔之子郁堃份生皆有文名卒

齊海藩 字東垣以附生授教官未抵任卒弟維藩字介臣附生卒馬維乾 字子建附生范家屯人

張應辰 字普庭以漢教習家居教授

張海清 原名樹侯字鵠亭壯歲遊庠光緒甲午之役李葆真捐辦効義營曾與參謀

彭俊臣 字秀升廣泰子也恩貢生盛京宗室學漢教習授職教諭未及出仕卒

李葆廉 字春泉以諸生經光緒甲午之役襄助胞弟葆真倡辦効

義營和議成始解散邑賴以安庚子之亂入省助恢秩序得候補府未歷任以積勞卒於省

張希齡 字仲岐邑東關附生性情長厚邑人稱之光緒季年病卒遺囑捐款東錢壹萬緡創立東關女子師範學校

于 琇 字式如民新子也民新見鄉宦志叔景新兄玠皆諸生琇弱冠以博士弟子員名著當時光緒間讀書京師因父入簾迴避鄉闈旋以五貢選授知縣光緒辛丑赴河南鄉試卒于旅次人多惜之

李向榮 原名春官字香閣邑河西三台子人由承德籍入洋考取拔貢生才華卓越宣統二年卒

王培元 字蔭普以城南官糧舊移居遼海屯家貧無力求學依外祖王珍發憤自雄捷鬻宮終以家貧未能與試秋闈以課徒終老焉

楊聯桂 字福廷世居城東崔山屯以海龍籍入鬻宮卒

孫壽泉 字介眉附生工詩居河西古城子卒

劉明安 居河西木廠滿洲附生卒

馬漢書 邑東關人附生早卒

傅可均 城東崔山屯人附生卒

張保元 字愷然滿洲附生卒

吳克讓 字耀堂居催陣堡附生卒

張錫齡 字與九邑河西江家屯人優貢生文名藉甚屢試冠軍光緒三十三年卒士林深痛惜焉

張連陞 字級三漢軍增生科歲試屢列一等文思英敏停科後熱心辦學與同村士人同創大青堆子兩等小學及女學身任教育頗著成績民國元年病卒

魏熙海 字季軒其家世尙詩書熙海性聰穎幼熟諸經尤精算理篤於孝友仲兄成海不幸罹瘋疾晝夜侍從衣不解帶仲兄早亡念念不忘惜熙海體氣亦弱中年以諸生卒

高 鎮 字玉卿光緒間以長春籍遊庠幼承母訓家貧勤學早卒
王德和 字子襄城西北果子園人寒峻讀書舌耕自給後以諸生

入法政畢業優等任勸業道練習科員尋改法庫廳總務科長嗣經奉天工會聘任文牘民國三年卒

扶隆阿 姜氏字百川滿洲人奉天兩級師範學校博物選科優等畢業生充本邑師範學校監學教習數年頗具熱心民國三年卒
平廣達 字瀛海本邑東關人早歲英穎品尤端正年十七由省中學考升吉林法政學校研究法理老成每嘆弗如畢業列最優等旋以病卒年僅二十士林惜之

鐵嶺縣志

列女志

觀西人進步報於中國近年政治多有稱許而謂女學尤日臻發達其說不盡爲無據就耳目所聞見者女子之中能博古今通中外熱心愛國皜然勵節概有其人矣特往往於女紅之事酒漿烹飪之役不復經心亦其缺欠者然果本學識而治家庭收效當亦甚豐可無過慮焉夫期望於將來更不可不表章於既往鐵邑文教倡自郝公武功推寧遠伯爲巨擘將軍義勇衍爲家風觀前清破鐵嶺時李氏一門命婦死節何多哉倘具大知識有直膺力則東南之夫人城未必不卽在斯地成就詎可限耶後乎此而吾邑之俎豆祠中及里巷

稱聞者或殉夫或守義或死難其事有彰與不彰之殊要之均非倖致麟水龍山清淑粹美鍾毓或在斯乎外國謂庚子之亂羣臣賜死怡然無怨爲得孔教之力多今國體雖更吾謂女子之持身所以孝翁姑相夫子教子女責艱任重幸而世運承平保家睦族當守無成代終之訓倘遭逢乖舛亦必生爲冰清死爲玉碎綱常名教之防譬日月經天江河行地終不可破壞者也至講學習藝廣知多能正以輔翼之耳豈有他哉志列女

明

顧澄妻楊氏 鐵嶺衛人澄故遺腹三月產一男誓不二適甘貧撫孤卒年七十九入祠

李如挺妻羅氏 時如挺家居萬曆四十七年清兵克鐵嶺舉家殉難

李如梓妻林氏劉氏

李如榛妻李氏

李如椽妻鄭氏

李如桂妻鄭氏

李存忠妻熊氏

李鼎忠妻董氏

李憲忠妻張氏

李純忠妻宿氏

以上均與如挺妻羅氏同時殉難

萬曆間憲忠爲遼東總兵中軍戰死妻殉之

純忠任京師闖亂京師陷殉難氏從之

鐵嶺縣志

列女志

三百八十九

奉天作新印刷局排印

李遵祖妻宋氏

遵祖隨任京師甲申殉難氏從之

清

李向禹妻王氏

順治五年向禹任陵川令姜瓖之亂謂禹曰君職

守土宜竭力報國無以我爲念禹領之率家僮出爲禦敵計王自

縊二女從之城旋破向禹亦死焉

張學而妻唐氏

張病故唐奉舅姑育幼子曲盡孝慈後值荒歉有

謀奪其志者唐卽欲自盡奸謀遂息卒完名節入祠

張世玉妻王氏

年十六歸世玉三月而寡誓不再適奉孀姑十餘

年生養死哀允稱節孝入祠

李四膺妻孟氏

幼適李姓姑患蠱症氏侍湯藥晨昏不息姑歿夫

亦故獨舅在堂又頻值荒歉遂有謀娶之者孟以死誓終不渝入祠

張國良妻馬氏

夫歿子弱家貧無倚氏針黹度日守志不移

以上雍

正四年旌

孫貳妻馮氏

夫亡撫孤誓不改醮入祠

鄧天榮妻狄氏

夫亡無嗣守志終身入祠

李廷棟妻劉氏

夫歿撫孤終身苦節入祠

鞏尙友妻張氏

夫早喪孝翁姑撫幼子終不更適入祠

鞏尙義妻李氏

嚙日明心撫孤完節入祠

五年旌

多倫太妻汪氏

內務府正白旗汪訓之女適鑲黃旗領催王筠長

子多倫太四載道光二年七月夫暴疾適歸寧聞耗馳至未逾刻

鐵嶺縣志

列女志

三百九十

奉天作新印刷局排印

而夫歿悲痛之極以不得侍疾爲恨遂自縊以殉四年建坊驛路左俗名五里碑入祠

周文明妻吳氏

性端淑嫁甫一年夫病故氏方二十歲誓不二志

以無嗣撫夫兄之子爲子善教育卒成名士卽暉也有詩集傳於

世氏尤節儉慈惠鄉里稱賢卒年八十一入祠

貞女李二格

邑西鎮西堡人李文美之女性貞靜貌端淑及笄未

字一日父母外出惟嫂伴居時有織工某藝其家窺女美欲亂之而無閒伺女入廁尾逼之女厲聲拒嫂奔視已刃女倒地某懼事

洩並殺其嫂事聞於官抵某以罪女旌表入祠

乾隆四十年旌表

曾坤榮妻張氏

夫被水淹沒聞耗即欲投水尋屍宗族責以大義

乃止其事親撫孤孝慈兼盡邑人稱之入祠

任傑之妻張氏 城東北地運所人母家椽木嶺道光間氏年二十

一歲一日遇強暴持刀逼姦氏堅拒厲罵賊怒戕斃之入祠

孫玉振妻石氏 邑西關人道光間年十九適河夾心孫氏與玉振

結婚而玉振病卒氏年僅二十三矢志守節事翁姑至孝同治元

年翁姑相繼歿氏已五十餘歲矣十二年邑人代為請旌建坊於

河夾心村西

劉廷璽妻高氏

劉漢吉妻同氏

鄧升吉妻李氏

趙琦之妻韓氏

性幽貞寡言笑夫歿守節不渝

乾隆四年旌表

周萬榮妻郝氏

夫歿哀毀骨立以死自矢食貧守志克全孝節

王維煥妻張氏

夫歿氏勤鍼工易衣糧食貧守節操勵冰霜

陳亮妻鞏氏

辛勤茶苦鄉里重其真操

常成龍妻王氏

青年守節每遇歲時必哭祭其夫數十年無間遠

近賢之

郭廷鈞妻王氏

陳鑑妻張氏

劉廷振妻趙氏

郭林桂妻王氏

吳鳳翔妻劉氏

衣忠妻子氏

張永吉妻仇氏
彭 溫妻蘇氏
楊有年妻田氏
鄧廷功妻祖氏
鄧連勛妻李氏
李廷椿妻王氏
鄭之敏妻商氏
張 義妻劉氏
李 藩妻朱氏
王世敏妻許氏

崔富榮妻劉氏
王英才妻趙氏
劉佩榮妻李氏
張德元妻劉氏
王汝賓妻董氏 城東催陣堡董珣之長女道光間年十九適城南
遼海屯王汝賓爲室時汝賓已患咯血氏侍湯藥晝夜無倦容汝
賓病甚旋卒哀毀幾絕經救獲生以數月新婚立志不奪同治元
年年四十餘乃以夫弟之子豐承祧教養兼至撫如己出十二年
經禮部奏請旌表入祠建坊苦心守節已踰三十五年矣復歷十
餘寒暑年七十餘以壽終

孫 珩妻姜氏

張國良妻馬氏

劉耀綱妻王氏

溫克勤妻楊氏

高進福妻任氏

商廣濟妻麻氏

馬兆麟妻石氏

烈婦張嗣榮妻陳氏

劉廷璽妻高氏

城西興隆屯人夫死撫孤守節同治間以年例相符請准旌節入祠

劉 妻趙氏

城西興隆屯人夫死教養孤子明仁成立同治間以年例相符請准旌節入祠

劉耀岡妻王氏

城西劉家窩棚人夫死子紹周紹言俱幼氏守節教養成入長子紹周奉天警務及陸軍憲兵科畢業次紹言奉天

工業學校及法政法律科畢業皆歷充差務前以年例相符請旌

入祠 以上四十一人皆入祠

吳瑛妻左氏

王董氏

孫氏

楊得保妻張氏

氏防禦張振聲之女幼嫻閨訓年十七于歸得保

四載夫歿無子撫伯氏子向榮爲子氏上事孀姑下教繼子年幾周甲以壽終建坊於邑之東山口

王 氏
邵 氏

趙蘭田妾李氏 隨夫在京主事任值光緒庚子之亂與于趙氏同殉

于 珍妻趙氏 工部主事趙蘭田之女庚子入都省親聯軍入京兩宮西巡氏恐遭汚仰藥殉節 以上均建坊未入祠

楊 明妻汪氏 咸豐間人于歸十五年伉儷甚得翁姑早喪又無子女夫年三十四病卒婦哭幾死迨七日夜間仰藥以殉事見九

梅村詩鈔

王吉瑞妻梁氏 城東白梨溝人年十七適吉瑞歷十年而夫卒遺子女各一家赤貧不能生存親友勸其再醮翁姑尤逼迫之皆置若罔聞惟倚針黹爲生計嘗臥病不起仍復手不停工奉翁姑終老嫁女及爲子娶婦皆積銖累寸得來光緒間年四十七卒

李遠山妻張氏 年十七于歸三載夫病故矢志守節事孀姑撫遺孤年七十餘卒光緒丁酉經邑紳于民新等請准旌表

李德昌妻劉氏 年十七于歸數年夫故家貧苦志守節光緒丁酉經于民新等以年例相符請准旌表

李克勤妻涂氏 于歸二載夫故無子繼夫之堂姪爲子撫若親生

母家有勸其改適者厲辭絕之勤儉成家亦於光緒丁酉經于民
新請准旌表 以上尙未建坊

常郁塋妻李氏 郁塋字保如以份生勤學攻苦年弱冠嘔血亡氏
痛極隨吞阿芙蓉以殉

烈婦陳 氏 城西范家窩棚人光緒庚子之亂馬賊四擾婦時
村居家無男子賊至欲污之婦力拒而厲罵之賊怒以銃射婦鉛
丸貫腦而死 以上尙未旌表

烈女無名氏 同治五年馬賊焚劫開原之下肥地竄鐵嶺城東房
身陽掠一少女年可十六七賊暱其美欲污之女怒詈見殺復以
藥灼其面使莫能識棄之去鄉人葬於河側見九梅村詩鈔嗚呼

烈矣

金烈女 城南遼海屯人金永瑩之女同治之季女年十餘齡幼嫻
閨訓值歲杪家失鈔票六緡事極微細家衆以女得母歡心素嫉
之遂羣興謠詠謂鈔票爲女所竊女性素激烈卽時服毒殞命戶
長乃察悉女之負冤真情不忍窮究以置不肖子孫於法特厚殮
女屍爲之勒碣志哀吁女以童年視名譽重於生命世有譏爲溝
瀆之諒恐以開貪墨敗名者倖免之門也

貞女金郭氏 邑西苗家莊人許字邑西六十里高麗屯農人金殿
發殿發年十九病故時女年二十二聞喪奔赴衰絰成禮留事翁
姑克盡婦道女父憫女青年守貞欲奪其志而擇嫁顯族女以死

自誓遂以夫兄之子祥爲嗣歿世人無閒言

孫魏氏 楊相國屯魏廣俊之女適孫家窩堡孫貴貴於同治間病故氏年二十六有一女尋殤慨然曰某雖婦人幼稍讀書聞黃鵠常獨宿禽鳥如此況人乎命之如此惟安之耳乃繼亡夫之志孝事翁姑養生送死無或少懈以夫兄之子煥章爲嗣不幸亦早歿艱苦益甚與幼孫相依日爲之陳說道義年七十餘未請旌

劉王氏 邑西夏家樓人王吉慶之女同治間適本村劉姓夫名夢松年二十四病卒婦與同庚子女俱無守節不渝曲承翁姑意旨以夫弟之子承緒爲嗣年七十尙未請旌

祖金氏 邑東熊官屯祖雲魁之妻氏于歸時有姑在堂妯娌間年

爲最幼勤勞獨任戚族稱之年二十一而雲魁病歿殮畢炷香告之曰未亡人非不能殉然夫多未了事未亡人不得不爲了之既而家道中落夫兄雲慶恐孀婦爲累議析炊氏獨毅然奉姑同居以盡孝養姑每思子泣下曲辭婉憫俾得解頤而止迄姑卽世敬事弗衰性耐勞善治生產整理內外精埽幹練不亞丈夫自析炊後不數年田園拓殖增倍蕤然酬應不啻有鄉里貧困請貸者毫無難色年五十有五守志閱三十餘耳皤然不滓民國三年九月由鎮安上將軍兼奉天巡按使張呈請旌表蒙頒銀質獎章並由內務部題給匾額文曰臺峻懷清

吳金氏 邑之常益社民吳毓南妻也性溫淑毓南病逝時氏年二

十六而姑氏早歿獨翁尙在老且病氏奉事孝謹撫堂姪繼夫後以教以養劬勞萬狀逾于所生俾至成立爲之娶婦兒與婦能承順氏志氏慨然曰今而後毓南不餒矣翁病歿摒擋營葬弗借力於里鄰皆氏爲之勵志三十八載年已六十四歲矣而整理生產猶事事躬親精神無少懈民國三年同祖金氏併請旌表題給匾額曰不愧禮宗

畢劉氏 畢明倫妻民國四年呈請旌表

馬劉氏 馬瑞麟妻 同

孫吳氏 孫殿貴妻 同

烈婦秦潤妻周氏 城東韭菜峪周文有之長女年十七歲適邑南

關秦潤爲室三十二歲夫以疾終悲哀盡禮毀不欲生葬畢以家人疎防卒仰藥以殉鄉鄰惜之

丁廣增之妻高氏 南三鄉諸民屯人年十七于歸丁氏相夫勤讀二十一歲其夫積勞成疾嘔血物故該氏繼姪爲嗣奉姑盡孝且能撫育夫弟主持家政辛苦備嘗鄉人咸矜其節至光緒八年遂爲之請旌迄今鄉里猶稱頌焉

卷四勘誤表

(一)

類別	頁	行	字	誤	正
鐵道交涉志	三百五	十	十八	積	處
名宦志	三百六	六	十四	四	六
教室醫院學校志	三百十四	十二	二	岔	岔
名宦志	三百十九	十六	九	明安下(脫去)	滿譯千也按即千總
	三百二十一	九	五	杖	杖
	三百二十四	一	二十五	史	吏
	三百二十四	八	七	(脫去)	順天通州人
	三百二十五	四	十一	縣人	進士
寓賢志	三百二十六	十六	四	百	責
	三百二十九	十三	三	疏並	疏上並
鄉宦志	三百四十一	十四	二十二	兔	免
	三百四十三	十三	十八	世	事
	三百四十六	十八	二十五	(脫去)	天命二年
	三百四十六	十九	六	(脫去)	晉爵三等子
	三百四十七	四	四	(脫去)	明年追贈一等男子正宗襲
	三百四十七	七	二十三	叙	叙
	三百五十	二十	二十一	徵	征
	三百五十二	十六	十九	閣	閣
	三百五十四	九	五	績	績
	三百五十五	十三	十九	榮	容

(二)

類別	頁	行	字	誤	正
鄉宦志	三百五十七	十	五	頤	頤
	三百五十七	十三	十五	叙	叙
	三百五十八	十五	劉東煊欄宜移鄉宦志之末談廣慶後		
	三百五十九	十	十三	(脫去)	原為鐵嶺駐防副隨任
	三百五十九	二十	十八	幫	幫
忠節志	三百六十三	五	十二	事	而
	三百六十三	十二	六	(脫去)	德
	三百六十三	中至鈕祜祿資	圖們色塔默第三鈕祜祿資祿第四祿六人次序誤	舒穆魯元毅第五舒穆魯世勳第六	
	三百六十八	二	二	稷	稷
	三百七十二	二	三	即羨餘	(應用括壺)
	三百七十二	五	九	生	陸
	三百七十二	二十	六	頤	頤
	三百七十三	七	二十四	死刺	刺死
儒林志	三百七十七	十	二十一	文僞	僞文
	三百八十	二	三	杭	抗
列女志	三百八十九	十	九	任	官
	三百九十二	二十一	六(脫去)	夫亡守節糟糠自甘力勤操作卒無怨色以上乾隆三年旌表	
	三百九十三	二		行張國良妻馬氏移列女志三百九十頁	
	三百九十三	十七	三	左	石
	三百九十六	十四	十八	頤	頤

鐵嶺縣志

職官表

知縣

姓名 籍貫 出身 時代 依據

清

胡藥嬰增穆 直隸贊皇 拔貢 康熙三年 舊縣志

賈宏文 直隸延慶 難蔭 康熙八年 舊縣志

李廷榮 遼陽 監生 康熙二十三年 盛京通志

許志進中念 江南淮安 進士 康熙三十五年 舊縣志

彭其儁 漢軍正藍旗 官監 康熙三十九年

鐵嶺縣志

職官表

二百九十八

奉天作新印刷局排印

彭其勳 陝西白河 歲貢 康熙四十三年 由關帝廟勒石增入

焦獻猷 江西南昌 舉人 康熙五十四年 盛京通志

宗一驤 江南淮安 拔貢 康熙六十年

陳善 漢軍廂黃旗 舉人 雍正三年 以上均見通志

王永祿 山東登州 舉人 雍正五年 始建先農祠以重農事

高烈 直隸河間 進士 雍正七年

孫國英 福建汀州 進士 雍正十年

盧銓 浙江合州 拔貢 雍正十二年

朱佑灝 甘肅靈州 進士 乾隆四年 以上均見盛京通志

李璣 由關帝廟勒石增入

張秉乾 江蘇揚州 舉人 乾隆十四年 由財神廟勒石增入

羅蒼 福建歸化 舉人 乾隆十五年

甘珠露 蒙古鑲白旗 舉人 乾隆十七年

那諄 京旗 乾隆十九年 由城隍廟懸額增入

興福 京旗 乾隆二十三年 由關帝廟勒石增入

勒克精額 滿洲正藍旗 乾隆二十五年

永安 京旗 乾隆二十五年 由火神廟懸額增入

哲成額 滿洲正白旗 進士 乾隆二十九年

慶齡 滿洲鑲白旗 舉人 乾隆三十二年

覺羅魁英 滿洲鑲紅旗 舉人 乾隆三十四年

鐵嶺縣志 職官表 三百九十九 奉天作新印刷局排印

德泰 滿洲鑲黃旗 舉人 乾隆三十五年

蘇隆額 滿洲正紅旗 舉人 乾隆三十七年

新泰 蒙古正紅旗 乾隆四十年

魏鐘秀 河南河內人 乾隆四十年

三寶 京旗 乾隆四十八年

積善 滿洲正藍旗 舉人 乾隆四十八年

砥柱 京旗 乾隆五十二年 由火神廟勒石增入

永作楫 京旗 乾隆五十四年 奎星閣勒石增入

賽尙阿 京旗 乾隆六十年 由關帝廟勒石增入

德春 京旗 嘉慶七年 由先農祠勒石增入

扎郎阿 京旗

嘉慶 年

由建尊經閣增入

英福 京旗

道光二年

由關帝廟勒石增入

恩特恒額 京旗

道光七年

由文昌閣勒石增入

富顯 京旗

道光十六年

由娘娘廟勒石增入

桂馨 京旗

道光二十四年

由關帝廟勒石增入

崇光 京旗

道光二十五年

由縣署頭門懸聯增入

台隆阿 京旗

道光二十八年

由關帝廟勒石增入

膺華 京旗

道光三十年

同上

愷榕 京旗

咸豐三年

松年 京旗

咸豐 年

鐵嶺縣志

職官表

四百

奉天作新印刷局排印

廣 京旗

咸豐九年

由火神廟勒石增入

額勒和訥 京旗

咸豐十一年

由城隍廟勒石增入

易增 京旗

同治四年

由先農祠懸額增入

祥瑞 京旗

同治八年

由關帝廟勒石增入

宜崇額 吉林

同治十年

由財神廟勒石增入

福培 京旗

同治十一年

由節孝祠勒石增入

文景 京旗

同治十三年

楊桂年 江蘇

進士 光緒元年

同上

廉隅 京旗

繙譯進士 光緒二年

劉懋勛 京旗

光緒四年

徐仲三 柔步

舉人 光緒五年

由先農祠勒石增入

楊桂年 香嶼 江蘇

進士 光緒八年

由城隍廟懸額增入

王頤勛 榮園

光緒 年

毛夔 南谷 江蘇

舉人 光緒九年

許之履 圃仙

光緒十年

陳士芸 鶴洲 浙江

光緒十二年

李應紫 秀峰 甘肅

進士 光緒十四年

陳士芸 鶴洲 浙江

光緒十五年

徐樾 筱樊 江蘇

光緒十六年

廣祥 雲浦 京旗

光緒十六年

繙譯生員

鐵嶺縣志

職官表

四百一

奉天作新印刷局排印

樊恭佩 寶瑨 江西

進士 光緒十八年

張雲龍 星橋 天津

光緒十九年

榮禧 後峰 京旗

光緒二十年

增蘊 子固 京旗

光緒二十年

徐本愚 帶堂

光緒二十年

陶懋恭 默存 四川萬縣

拔貢 光緒二十一年

劉廷珍 聘卿 福建

進士 光緒二十二年

陶懋恭 默存 四川萬縣

拔貢 光緒二十三年

甘沅 溪五

光緒二十四年

楊昌翰 海琴 四川

拔貢 光緒二十五年

孟憲彝 秉初 北京 舉人 光緒二十六年

榮禧 曉峰 京旗 生於鐵嶺縣署松年之子 生員 光緒二十六年

陳璋 東珊 湖北 舉人 光緒二十七年

高暄陽 暄 舉人 光緒二十八年

趙臣翼 燕蓀 浙江 進士 光緒二十九年

廖彭 如 貴州 生員 光緒三十二年

都林布 雲卿 京旗 進士 光緒三十三年

張錫鴻 荷村 山東 進士 光緒三十四年

徐麟瑞 定甫 江蘇宜興 附貢 光緒三十四年

高士英 華亭 奉天遼陽 生員 宣統三年

鐵嶺縣志

職官表

四百二

奉天作新印刷局排印

民國

王永江 岷源 奉天金州 民國元年

現任縣知事

陳藝 六 江蘇宜興 民國元年

訓導

姓名 籍貫 出身 時 代 依據

清

庫堪 贊皇 康熙二十三年

張邦紀 通州 康熙三十年

郭延澤 宣化 康熙三十八年

張天選 寶抵

康熙四十五年

郭延澤

康熙三十八年

魏首

康熙四十年

賈祚 正定

康熙五十三年

何師曾 通州

康熙五十六年

魏謙 正定

雍正四年

楊淶 贊皇

雍正六年

柴大伸 霸州

雍正十年

王天錫 保定

雍正十一年

張遠 新城

雍正十三年

以上均按通志增入

黃元价 直隸保定

乾隆八年

徐穎

乾隆十年

由關帝廟勒石增入

雷鏡 直隸容城

乾隆十三年

陳欽堯

乾隆十四年

由財神廟勒石增入

章錦 直隸天津人

乾隆二十年

賈奕駒 直隸蠡縣人

乾隆二十一年

趙文琳 直隸大名

乾隆二十七年

彭源

乾隆三十年

由各廟勒石增入

劉宗漢 直隸遵化人

乾隆三十年

岳琰 直隸盧龍人

乾隆三十二年

夏廷益 直隸保安 州人

乾隆四十五年

秦廷玉

乾隆四十九年

由各廟碑勒石增入

劉天光

乾隆五十一年

由文廟勒石增入

陞任

乾隆 年

崔守興

乾隆 年

孫連

舉人 道光七年

趙文涵 門

道光二十四年

由承修臥碑增入

彭源

道光三十年

由關帝廟勒石增入

王三同 湘 直隸

咸豐 年

劉玉林 崑 武清

舉人 同治八年

鐵嶺縣志

職官表

四百四

奉天作新印刷局排印

胡紹舜 賓 盛京漢軍

舉人 光緒 年

鹿名世 景 定興

舉人 光緒十七年

由祖越寺碑增入

解蔭桐 屏 直隸

歲貢 光緒二十年

典史

姓名 籍貫 出身 時代 依據

清

王一徹 順天大興 康熙三年

王應啓 江南亳州 康熙十年

徐元昇 浙江分水 康熙十七年

郭廷澤 康熙三十一年 由學宮勒石增入

孔文經 山西太原

康熙三十八年

和吉 直隸河間

康熙四十八年

蔡文登 順天宛平

康熙 年

楊希震 直隸玉田

雍正八年

朱枚 浙江杭州

雍正八年

何士林 順天宛平

雍正十一年

李兆樞 順天

雍正十三年

戴士瑤 安徽

乾隆十年

章詵 順天

乾隆十二年

朱武華 順天

乾隆二十三年

鐵嶺縣志 職官表

四百五

奉天作新印刷局排印

張邦翼 浙江

乾隆三十年

陳廷秀 安徽

乾隆四十七年

陳學潮 浙江

乾隆四十八年

張盛唐

乾隆五十四年

王基

乾隆 年

朱鈞

乾隆 年

官保

道光二年

黃守謙

道光七年

胡雋

道光二十四年

繆裕麟

道光 年

以上均按盛京通志
增入

由關帝廟勒石增入

由關帝廟勒石增入

由文廟勒石增入

由關帝廟勒石增入

鮑慎之
齋如

道光三十年

由關帝廟勒石增入

姚利甲

周

咸豐九年

由火神廟勒石增入

王官彥
堂廣

咸豐十一年

由城隍寢宮勒石增入

楊文圃
鄉晉

同治十年

由財神廟勒石增入

沈家騏
軒寶

光緒元年

由節孝祠勒石增入

王用賓
江春

光緒十二年

由祖越寺勒石增入

余家驥

光緒十七年

由關帝廟勒石增入

夏穆和
良滋

光緒十八年

由關帝廟勒石增入

于連三

光緒年

鐵嶺縣志

職官表

四百六

奉天作新印刷局排印

余家麟

光緒年

于在淵

光緒年

趙濬源

光緒年

黃
齋玉

光緒二十二年

李玉書

光緒二十三年

郭寶恕
存心

光緒年

趙濬源
溪琴

光緒年

陳鴻勛
鄉俊

光緒年

旗署

清初援明例改設為路改千總一員為札蘭防禦
二員康熙二十九年嶺南軍防禦四員為札蘭防禦
員改滿洲防禦兼管路記光緒二十四年裁
路鎮白漢白缺改禦專管本旗添設防尉統四十九年務

清

姓名原籍任旗任年

朱煥 京都 鑲黃 乾隆五十二年

孫璘 同 同 乾隆五十四年

佟湛 同 同 乾隆六十年

史進祿 盛京 同 道光四年

張振聲 同 同 道光十六年

陳天生 同 同 道光三十年

馬有英 同 同 咸豐十一年

衡山 同 同 同治五年

鐵嶺縣志

職官表

四百七

奉天作新印刷局排印

邱璞 同 同 同治六年

王銘恩 盤潤 同 同 同治十一年

慶祿 臣錫 同 同 光緒十三年

劉文良 同 同 光緒十七年

郭常臨 同 同 光緒二十年

成集 九振 盛京廂白 同 同 光緒二十年

錫麟 巖松 同 同 光緒二十一年

曹常安 同 同 光緒二十一年

王鵬舉 程雲 盛京廂白 同 同 光緒二十四年

郎惠慶 臣熙 盛京 同

都隆阿安熙同

同 民國元年

劉世魁 京旗

正白 雍正九年

明德同

同 乾隆五十一年

徐俊同

乾隆五十四年

吳克同

乾隆六十年

福克錦太同

道光二年

禧激 盛京

道光十六年

景運同

道光三十年

董永春同

咸豐十一年

白日升同

同治十年

鐵嶺縣志

職官表

四百八

奉天作新印刷局排印

尙多義同

同治十二年

佟裕書森實同

光緒四年

德三同

光緒十二年

高萬梅同

光緒十七年

李葆真泉介同

光緒二十三年

繆景德之立同

光緒二十四年

堵靜同

都隆額 鐵嶺正白官委

民國二年

豐申 都京

廂白 乾隆四十九年

永福同

乾隆五十六年

崔守興 同

乾隆六十年

威和訥 盛京

道光二年

集順 同

道光四年

張振聲 同

道光十六年

雙成全子 同

道光二十年

阿達布 同

咸豐十一年

德勝三捷 同

同治八年

佈勒恒額友橋 同

同治十年

依克精阿紹堂 同

光緒四年

常升高子 同

光緒十二年

鐵嶺縣志

職官表

四百九

奉天作新印刷局排印

博清額海峰 同

光緒十三年

羅白彬適天 都京

正藍

康熙元年

陳士英 同

乾隆四十九年

徐巖 同

乾隆六十年

張傑 盛京

道光二年

其克唐阿 同

道光四年

雅爾哈 同

道光十六年

恒興 同

道光三十年

諾敏 同

咸豐九年

阿克達布 同

同治八年

廣 泰 松巖 同

同治十二年

吉 慶 同

同治十三年

李福增 同

光緒七年

楊 霖 同

光緒九年

王殿甲 魁元 同

光緒十年

成 集 振九 同

光緒十六年

錫 麟 松巖 同

光緒十七年

蔣明章 子廣 同

光緒十九年

侯勝昌 友雲 同

民國三年

錫 珍 盛京滿廂白 防守尉 光緒二十九年

本境屢遭兵禍縣署卷册闕如政績之就淹者多除四旗職官
 尚有册檔可稽外其餘則茫無措手不得已乃調查四出尋碑
 野寺剝蘚鈔文斷瓦殘垣罔弗搜剔而繼續舊志補各職官表
 如前焉夫各職官事蹟不能詳也固矣何以父老傳聞欲知其
 姓名亦鮮此豈無故乎蓋當時文教未溥凡秉耒荷鋤水耕火
 耨者不識不知順帝之則而已且也國禁葦嚴讀學宮石碣士
 子不得一言建白卽旅店茶園亦諄戒以休談國政充類至盡
 有司之賢否亦無或敢言甚至莫知誰何境過情遷不賢者與
 草木同腐其賢者竟沒世無稱矣况復世際承平人求寡過訟
 庭花落被擁黃紬政戒擾民卽爲良吏飛騰上達賴於長官薦

牘何政事之足爲哉縣令如此而學官典獄更無論矣是以近
百餘年間稽職官之行政類多荒渺無憑如讀循蜚十紀莫知
其爲誰何若功在生民信而有徵者則別載於政績志次焉亦
彙見於名宦志

鐵嶺縣志

科舉表

進士

姓名籍貫科分

金

劉煒咸平熙宗時特賜及第

瓜爾佳守中 原作夾谷守中咸平大定二十二年登第

蒙古綱咸平路猛安承安五年進士

蘇穆魯世勤咸平承安五年進士

蘇穆魯世勤興定二年進士

鐵嶺縣志 科舉表

四百十二 奉天作新印刷局排印

明

錢之選鐵嶺衛嘉靖庚戌科

蕭汝芳鐵嶺衛萬曆庚辰進士

蕭時彥鐵嶺衛崇禎進士任布政

清

錢肇修康熙辛未江南道御史

施雲翔康熙丁丑江南道御史

張廷標康熙癸未

王一元以上皆民籍康熙癸未以上俱見盛京通志

戴亨康熙辛丑

戴文聲

乾隆己丑

溫時懋

乾隆辛丑

鄧慶麟

咸豐壬子

郭鑑襄

咸豐壬子翰林

李向陽

咸豐庚申

于民新

同治甲戌

趙蘭田

光緒壬辰

葉長春

光緒戊戌

張成棟

光緒甲辰翰林

武進士

陳起棟

咸豐

李葆貞

光緒庚寅

舉人

王道興

康熙丙午

吳一德

康熙甲子

錢肇修

康熙丙午

王一元

康熙丙午

張廷標

康熙丙午

施雲翔

康熙丙子

沈炳

康熙己卯

王日中 以上皆民籍 康熙丁酉 以上俱見盛京通志

戴亨 康熙癸巳

李瀚 雍正壬子

戴文聲 乾隆庚辰

郭明德 乾隆庚辰

高書勳 乾隆戊午

戴文緒 乾隆乙酉

商其桃 乾隆己亥

吳枏 道光己亥

鄧慶麟 道光

鐵嶺縣志

科舉表

四百十四

奉天作新印刷局排印

依齡阿 咸豐

郭鑑襄 咸豐辛亥

李向陽 咸豐戊午

崔恒慶 咸豐戊午

于民新 同治庚午

長壽 光緒

楊毓崧 光緒壬午

葉長春 光緒丙子

吳璋 光緒己丑

趙蘭田 光緒己丑

福珠隆阿

光緒己丑

陳瀛洲

光緒甲午

張成棟

光緒辛丑

副榜

張芳

吳元秀

同治庚午

魏溟海

光緒辛卯

武舉人

李霖

康熙丙午

張世

康熙壬子

王金式

康熙丙子

鐵嶺縣志

科舉表

四百十五

奉天作新印刷局排印

左超

康熙己卯

倪廷標

康熙壬午

熊之占

康熙乙酉

孟廷玉

雍正丙午

以上俱見盛京通志

唐相玉

乾隆丙辰

夏文耀

乾隆戊午

陳起棟

咸豐

陳守邦

咸豐

石春雲

咸豐

李葆真

光緒戊子

宗室覺羅學漢教習

清

楊 琯 膏城教諭

徐德基 德陽教諭

侯其垣 祁州訓導

劉廷琦

曹鳳鳴 廣宗訓導

張紹中

張 恭

尤其盛閣銘 樂亭縣知縣

以上見盛京通志

鐵嶺縣志

科舉表

四百十六

奉天作新印刷局排印

石立坊 深澤縣知縣

彭廣心 廣濟縣知縣

王友雲 授職知縣

彭俊臣 授職教諭

李毓科

禮部左右翼官學漢教習

鄭治安

王鍾瀛

商廣源

田上上 東明縣訓導

彭鏡齡

彭桂齡 奉化縣訓導

張應辰

陳熙載

劉書堂 蓋平縣訓導

貢生

清

曹鳳章 官昌平學正

戴珮 官通州學正

張廉 訓導銜未仕

鐵嶺縣志 科舉表

曹光 訓導銜未仕

曹國棟 候選訓導

張鵬程 候選訓導

左昇公 候選訓導 以上恩貢

袁仲選 澤州知州見鄉宦

李瑤 官房山教諭

李珩 教諭銜未仕

左泗溥 候選知縣

林桂森 候選訓導 以上拔貢

王芳毓 官山海衛訓導

程玉	官順河訓導
劉珏	官平谷訓導
陳欽堯	官寧津訓導
左崦	訓導銜未仕
潘益	訓導銜未仕
李實	官保安訓導
胡文炳	訓導銜未仕
任巖	官曲陽訓導
曹珪	官正定教諭
馬文德	官正定訓導
商其是	候選訓導

鐵嶺縣志

科舉表

四百十八

奉天作新印刷局排印

張德瑾	候選訓導	以上歲貢
商其果	恩貢	
商沖	歲貢	
劉廷珂	歲貢	束鹿縣訓導
石玠	拔貢	直隸知縣
張廷樞	優貢	
廖宏麻	歲貢	
尤世英	拔貢	
周文煥	歲貢	
王珍	恩貢	

周 輝 歲貢

胡桂聲 歲貢

孫光岐 歲貢

周 時 歲貢

左廷玉 歲貢

金 鋒 歲貢

董遇辰 歲貢

張 簡 恩貢

魏燮均 歲貢

石玉山 歲貢

涂迺濟 歲貢

商廣洽 歲貢

李彭齡 歲貢

石汝霖 歲貢

吳鳳儀 恩貢

吳元秀 拔貢

彭廣心 拔貢

蘇潤田 歲貢

王友雲 歲貢

許 歲貢

鐵 嶺 縣 志

科舉表

四百十九

奉天作新印刷局排印

同治辛酉

孫 鏐 歲貢

魏廣德 歲貢

鄭逢源 恩貢

彭俊臣 恩貢

宮兆甲 拔貢

田葆綬 恩貢

楊紹時 歲貢

胡鑑清 歲貢

胡相清 歲貢

聶鴻興 歲貢

新民訓導

小京官

吉林府知府

鐵嶺縣志

科舉表

四百二十

奉天作新印刷局排印

于 芹 歲貢

吉林縣知事

楊祖榮 優貢

熱河知縣

孫佐庭 優貢

直隸法庭推事

張鼎銘 拔貢

江西道員

申伯助 拔貢

德惠縣知縣

劉宗漢 拔貢

曾憲文 歲貢

鄭 樸 拔貢

張希孔 歲貢

孫果三 歲貢

董春魁 恩貢

自隋設進士科唐因之並命孔穎達等作經疏兼崇帖括凡天下州縣各置學未始非造士作人之計寢假士習日偷關防亦益嚴而衡文之柄操於一二人決一日之短長以爲取舍世遂有場中莫論文之諺而命之說勝焉夫暗中摸索目迷五色古與今如一焉詩莫盛於唐唐復以詩賦取士李杜及孟最擅詩名而皆不第李以特薦入翰林杜以獻三禮賦授參軍孟則終身隱於鹿門卽王維詩擅一時其得膺科舉說者謂以鬱輪袍歌曲爲進身之階則詩文之較佳者不必獲選明矣文宗時設直言極諫科劉蕡則以直斥時弊而下第南宋陳亮天才踔厲

世久知名晚而始遇明陳際泰入棘闈文成自誦嘆曰此文誰復作得棄之拾浮辭乃獲雋清初關節盛行順治丁酉北闈大獄爲其確証卽方苞八服宗匠久困公車亦有爲之先容者始登第科名中離離奇奇此浩首窮經之士所以徒自苦耳茲所列前表清代爲多但半由記憶訪詢中來史乘無考卷檔不完難免掛漏之虞而旗籍中式者向例僅注旗佐莫詳駐防其遺者當尤多矣

民國考取縣知事表

董春魁

斗垣

三年第一屆由本縣陳知事藝詳請奉天將軍兼巡

按使張咨送考取丙等

張嗣良 文溥 三年第二屆由京師教育部咨送考取乙等簽分吉
林省

鐵嶺縣志

科舉表

四百二十二

奉天作新印刷局排印

鐵嶺縣志

選舉表

省諮議局被選議員

陳瀛洲 海峰

福珠隆阿 文川

劉東煊 敬瑚

張佩文 韻軒

孟昭孔 述先

曾憲文 述堂

資政院被選議員

鐵嶺縣志

選舉表

四百二十三

奉天作新印刷局排印

陳瀛洲

省議會被選議員

曾憲文

王如山 峻峰

袁景暖 子和

孟昭孔 述先

衆議院被選議員

張嗣良 文溥

參議院被選議員

陳瀛洲

富元 惠軒

約法會議政治會議議員

陳瀛洲

鐵嶺縣志

選舉表

四百二十四

奉天作新印刷局排印